





魏紀

卷之十  
後學 天命胡三國 昌隆

魏紀四十

魏立獻帝  
大正元年

孝和皇帝下

永元四年春正月遣大將軍左校尉成瑨提兵

魏書

德學 天台胡三藏 自注

魏紀四十

起文天初德 曆家  
大元 曆九十四年

孝和皇帝下

永元四年春正月遣大將軍左校尉以廢於時

資治通鑑卷第四十八

翰林學士兼侍讀學士朝散大夫右諫議大夫知制誥判尚書都省兼提舉萬壽觀公事上護軍河內郡開國侯食邑一千三百戶賜紫金魚袋臣司馬光奉勅編集

後學 天台胡三省 音注

漢紀四十

起玄默執徐盡旃蒙  
大荒落凡十四年

孝和皇帝下

永元四年春正月遣大將軍左校尉耿夔授於除鞬印綬校戶教翻鞬九言翻使中郎將任尙持節衛護屯伊吾如

南單于故事

任音

初廬江周榮辟袁安府安舉奏寶

景

事見上卷元年

及爭立北單于事

見上卷

皆榮所具草寶

氏客太尉掾徐齟深惡之

掾俞絹翻齟魚倚翻惡鳥路翻

齟榮曰子

爲袁公腹心之謀排奏寶氏寶氏悍士刺客滿城中

謹備之矣

悍下罕翻又侯肝翻

榮曰榮江淮孤生得備宰士

賢

榮辟司徒府故稱宰士

縱爲寶氏所害誠所甘心因敕妻子

戒

也

若卒遇飛禍

卒讀曰猝賢曰飛禍言倉卒而死也余謂飛禍者言刺客竊發不可得而

備若鳥之飛集也

無得殞斂

斂力

冀以區區腐身覺悟朝廷

三月癸丑司徒袁安薨

閏月丁丑以太常丁鴻

爲司徒

夏四月丙辰寶憲還至京師

還從宣翻又如字

六月戊戌朔日有食之丁鴻上疏曰昔諸呂擅權統

嗣幾移

事見高后紀  
幾居希翻

哀平之末廟不血食

事見王莽  
紀鴻引此

事以指言  
外戚之禍故雖有周公之親而無其德不得行其勢

也

賢曰言親賢兼  
重方可執政

今大將軍雖欲救身自約不敢僭

差然而天下遠近皆惶怖承旨

怖普  
布翻

刺史二千石初

除謁辭求通待報

初除而謁之官則辭求通者求通  
名也待報者得謁與不得謁得辭

與不得辭  
皆待報也

雖奉符璽受臺敕

符璽所以爲信初除者  
詣尚書臺受敕璽斯氏

翻不敢便去久者至數十日背王室

背蒲  
妹翻

向私門此

乃上威損下權盛也人道悖於下效驗見於天雖有

隱謀神照其情垂象見戒以告人君

悖蒲內翻  
見賢遍翻禁微

則易

易以

救末則難人莫不忽於微細以致其大恩

不忍誨義不忍割去事之徵未然之明鏡也

言禍伏於隱微

人多忽之及發見之後昭昭而不可掩是爲未然之明鏡

夫天不可以不剛不剛

則三光不明王不可以不彊不彊則宰牧從橫

從子用翻

又子容翻橫戶孟翻又如字

宜因大變改政匡失以塞天意

塞悉則翻

丙辰郡國十三地震

旱蝗

竇氏父子兄弟並

爲卿校

卿九卿校諸校尉校戶教翻

充滿朝廷穰侯鄧疊疊弟步

兵校尉磊及母元憲女壻射聲校尉郭舉舉父長樂

少府璜共相交結

賢曰太后居長樂宮故有少府秩二千石樂音洛

元舉並

出入禁中舉得幸太后遂共圖爲殺害

謀弑逆也

帝陰知



其謀是時憲兄弟專權帝與內外臣僚莫由親接所

與居者闔宦而已

闔宦周禮謂之奄鄭玄注曰奄精氣蔽藏者今謂之宦人闔衣廉翻

又衣檢翻

帝以朝臣上下莫不附憲獨中常侍鉤盾令鄭

眾謹敏有心幾

百官志鉤盾令秩六百石宦者爲之典諸近池苑園遊觀之處屬少府幾

事也心幾謂心事也今人謂人胃中有城府者爲有心事朝直遙翻盾食尹翻幾居希翻

不事豪

黨遂與眾定議誅憲以憲在外

州謂出屯涼

慮其爲亂

忍而未發會憲與鄧疊皆還京師

還從宣翻又如字

時清河

王慶恩遇尤渥

渥厚瀆也

常入省宿止

省禁中也

帝將發其謀

欲得外戚傳

賢曰前書外戚傳傳直戀翻

懼左右不敢使令慶私

從千乘王求

千乘王伉帝長兄也乘繩證翻

夜獨內之又令慶傳語

鄭眾求索故事

賢曰謂文帝誅薄昭武帝誅竇嬰故事索山客翻

庚申帝幸

北宮詔執金吾五校尉勒兵屯衛南北宮

執金吾掌宮外戒司

非常北軍五校尉主五營士故令勒兵屯衛

閉城門收捕郭璜郭舉鄧疊

鄧磊皆下獄死

下遐嫁翻

遣謁者僕射收憲大將軍印綬

更封爲冠軍侯

憲先已封冠軍侯不受今復封以侯就國更居孟翻

與篤景瓌

皆就國

瓌古回翻

帝以太后故不欲名誅憲

言不欲正名誅之

爲

選嚴能相督察之

爲于僞翻

憲篤景到國皆迫令自殺初

河南尹張酺數以正澶繩治竇景

酺薄乎翻酺先爲魏郡太守郡人鄭

據奏竇景罪景遣掾夏猛私謝酺使罪據子酺收猛

繫獄及入爲河南尹景家人擊傷市卒吏捕得之景怒遣緹騎侯海毆傷市丞酺部吏楊章窮

及竇氏敗

究正海罪徙朔方數所角翻治直之翻

酺上疏曰方憲等寵貴羣臣阿附唯恐不及皆言憲

受顧命之託懷伊呂之忠至乃復比鄧夫人於文母

賢曰案鄧夫人即懷侯鄧曼母元張酺論憲兼及其黨稱鄧夫人猶如前書霍光妻稱霍顯祁大伯母號

祁夫人之類今嚴威既行皆言當死不顧其前後考

復扶又翻折厥衷折之舌翻臣伏見夏陽侯瓌每存忠善前與

臣言常有盡節之心檢敕賓客未嘗犯瀆臣聞王政

骨肉之刑有三宥之義禮記公族有罪獄成有司讞於公曰某之罪在大辟公曰

宥之有司又曰在大辟公又曰宥之有司又曰在大辟公又曰宥之及三宥不對走出致刑於甸人公又

使人追之曰必宥之有司對曰無及也反命於公公素服如其倫之喪過厚不過薄今

議者欲爲瓌選嚴能相爲于僞翻相息恐其迫切必

不完免宐裁加貸宥以崇厚德帝感其言由是瓌獨

得全寶氏宗族賓客以憲爲官者皆免歸故郡初班

固奴嘗醉罵洛陽令种兢

姓譚种本仲氏避難改焉

兢因逮考寶

氏賓客收捕固死獄中固嘗著漢書尙未就詔固女

弟曹壽妻昭踵而成之

昭卽曹大家也

華嶠論曰固之序事不激詭不抑抗

賢曰激揚也詭毀也抑退

也抗進也余謂激詭抑抗皆指史家作意以爲文之病華戶化翻

贍而不穢詳而

有體使讀之者亶亶而不厭

爾雅曰亶亶猶勉勉也音無匪翻

信

哉其能成名也固譏司馬遷是非頗謬於聖人

賢曰

言遷所是非與聖人乖謬卽崇黃老而薄六經輕仁義而賤守節是也

然其論議常

排死節

謂言冀勝竟天天年之類

否正直

謂言王陵汲黯之類

而不敘

殺身成仁之爲美

謂不立忠義傳

則輕仁義賤守節甚矣

初竇憲納妻天下郡國皆有禮慶漢中郡亦當遣吏

漢中郡在洛陽西千九百九十里

戶曹李郃

郡有戶曹主民戶祠祀農桑郃曷閭翻

諫

曰竇將軍椒房之親不修德禮而專權驕恣危亡之

禍可翹足而待也

翹舉也

願明府一心王室勿與交通太

守固遣之郃不能止請求自行許之郃遂所在遲留

以觀其變行至扶風

潘岳關中記曰三輔舊治長安城中長吏各居其縣治民東都

之後扶風出治槐里馮翊出治高陵

而憲就國凡交通者皆坐免官漢

中太守獨不與焉

與讀日預

帝賜清河主慶奴婢輿馬錢

帛珍寶充物其第慶或時不安帝朝夕問訊進膳藥

所以垂意甚備慶亦小心恭孝自以廢黜尤畏事慎

灑故能保其寵祿焉 帝除袁安子賞為郎任隗子

屯為步兵校尉以安隗守正不附竇氏鄭眾遷大長

秋百官志大長秋秩二千石承秦將行景帝更為大長秋或用士人中興常用宦者職掌奉宣中宮命

凡給賜宗親及宗親當謁見者開通之中宮出則從張晏曰皇后卿師古曰秋者收成之時長者恆久之

義故以為帝策勳班賞眾每辭多受少帝由是賢之

常與之議論政事宦官用權自此始矣 秋七月己

丑太尉宋由以竇氏黨策免自殺 八月辛亥司空

任隗薨 癸丑以大司農尹睦為太尉太傅鄧彪以

老病上還樞機職

上時掌翻尚書樞機之職鄧彪錄尚書事

詔許焉以睦

代彪錄尚書事

冬十月以宗正劉方爲司空

武

陵零陵澧中蠻叛

護羌校尉鄧訓卒吏民羌胡旦

夕臨者日數千人

臨力鳩翻哭也

羌胡或以刀自割又刺殺

其犬馬牛羊

刺七逆翻又七四翻

曰鄧使君已死我曹亦俱死

耳前烏桓吏士皆犇走道路

賢曰訓前任烏桓校尉時吏士也

至空

城郭吏執不聽以狀白校尉徐儻

儻蓋爲烏桓校尉儻於建翻

儻

歎息曰此爲義也乃釋之遂家家爲訓立祠

爲于儻翻下同

每有疾病輒請禱求福蜀郡太守聶尚代訓爲護羌

校尉欲以恩懷諸羌乃遣譯使招呼迷唐使還居大

小榆谷

迷唐去大小榆谷事見上卷章和二年鄧訓

也聶昵輒翻

迷唐既還遣祖母卑缺詣尙

卑缺蓋迷使疏吏翻 吾之母

尙自送至塞下爲設祖道令譯田汜等五人護送至

盧落迷唐遂反與諸種共生屠裂汜等以血盟詛

勇翻汜詳里翻詛莊助翻

復寇金城塞

復扶又翻

尙坐免

五年春正月乙亥宗祀明堂登靈臺赦天下 戊子

千乘貞王伉薨

諡法臣諡直道不撓曰貞事君無猜日貞清白守節曰貞固節幹事曰貞

伉音抗

辛卯封皇弟萬歲爲廣宗王

廣宗縣屬鉅鹿郡賢曰今貝州

宗城縣隋煬帝諱廣故改爲宗城

甲寅太傅鄧彪薨

戊午隴西

地震 夏四月壬子紹封阜陵殤王兄魴爲阜陵王



謚法未家短折曰殤阜陵殤王冲質王延之子  
元年嗣封三年薨無嗣今以劬紹封封劬符方翻

九

月辛酉廣宗殤王萬歲薨無子國除 初寶憲既立

于除鞬爲北單于欲輔歸北庭

事見上卷三年鞬居言翻

會憲誅

而止于除鞬自畔還北詔遣將兵長史王輔以千餘

騎與任尙共追討斬之破滅其眾 耿夔之破北匈

奴也

事見上卷三年

鮮卑因此轉徙據其地

拓跋氏自北荒南徙蓋此時也

匈奴餘種畱者尙有十餘萬落

種章勇翻

皆自號鮮卑鮮

卑由此漸盛 冬十月辛未太尉尹睦薨 十一月

乙丑太僕張酺爲太尉酺與尙書張敏等奏射聲校

尉曹褒擅制漢禮破亂聖術宜加刑誅書凡五奏帝

通鑑卷一百一十五  
知誦守學不通

言守其家學也

雖寢其奏而漢禮遂不行

制

禮事見上卷章帝章和元年

是歲武陵郡兵破叛蠻降之

降戶

梁王暘與從官卞忌祠祭求福

姓譜卞本自有周曹叔振鐸之後曹

之支子封于卞遂以建族余按魯有卞莊子楚有卞和

忌等諂媚云神言王當

爲天子暘與相應答爲有司所奏請徵詣詔獄帝不

許但削成武單父二縣

成武單父二縣本屬山陽後屬濟陰章帝以益梁國賢曰

成武今曹州縣單父今宋州縣單音善

暘慙懼上疏深自刻責曰臣天

性狂愚不知防禁自陷死罪分伏顯誅

分扶問翻陛下聖

德枉灑曲平

賢曰曲平曲法申恩平處其罪

橫赦貸臣爲臣受汗

橫

孟翻汗惡也天下以赦暘爲納汗是爲暘受汗爲于僞翻

臣知大貸不可再得自

誓束身約妻子不敢復出入失繩墨不敢復有所橫

橫戶孟翻

復扶又翻

租入有餘乞裁食睢陽穀熟虞蒙寧陵

五縣還餘所食四縣

四縣下邑尉氏薄郎也睢音雖

臣暘小妻三十

七人

凡非正室者皆小妻也

其無子者願還本家自選擇謹敕

奴婢二百人其餘所受虎賁官騎及諸工技鼓吹倉

頭奴婢兵弩廩馬皆上還本署

虎賁士屬虎賁中郎將官騎騶騎也漢官

儀曰騶騎王家名官騎與廩馬皆屬太僕工技屬尙方鼓吹屬黃門倉頭奴婢屬永巷御府奚官等令兵

弩屬考工令各有本署也賁音奔技渠綺翻吹昌瑞翻上時掌翻

臣暘以骨肉近親

亂聖化汙清流

汙烏故翻

既得生活誠無心面目以凶惡

復居大宮食大國張官屬藏什物

賢曰古者師行二五爲什食器之類

必共之故曰什物食具今人通願陛下加恩開許上  
謂生生之具爲什物復扶又翻

優詔不聽

護羌校尉貫友

貫姓也漢初有趙相貫高

遣譯使構

離諸羌誘以財貨由是解散

使疏吏翻誘音酉

乃遣兵出塞

攻迷唐于大小榆谷獲首虜八百餘人收麥數萬斛

遂夾逢畱大河築城塢

此大河卽黃河河水至此有逢畱之名在二榆谷北作

大航造河橋欲度兵擊迷唐

酈道元水經注曰於河狹作橋航戶剛翻迷

唐率部落遠徙依賜支河曲

西羌傳賜支者禹貢所謂析支者也羌居河關

之西南濱於賜支至於河首縣地千里司馬彪曰西羌自析支以西濱河首在右居也河水屈而東北流

遷于析支之地是爲河曲矣應劭曰禹貢析支屬雍州在河關之西東去河關千餘里羌人所居謂之河

羌曲單于屯屠何死單于宣弟安國立安國初爲左

賢王無稱譽及爲單于單于適之子右谷蠡王師子

以次轉爲左賢王

谷音鹿蠡盧奚翻

師子素勇黠多知

黠下八翻

知古智字通

前單于宣及屯屠何皆愛其氣決數遣將兵

出塞

數所角翻下同

掩擊北庭還受賞賜天子亦加殊異由

是國中盡敬師子而不附安國安國欲殺之諸新降

胡初在塞外數爲師子所驅掠

在塞外謂先屬北

多

怨之安國委計降者與同謀議師子覺其謀乃別居

五原界每龍庭會議

匈奴龍庭本在塞外是時南單于居塞內亦謂所居爲龍庭

師子輒稱病不往度遼將軍皇甫稜知之亦擁護不

遣單于懷憤益甚

六年春正月皇甫稜免以執金吾朱徽行度遼將軍

時單于與中郎將杜崇不相平乃上書告崇崇諷西

河太守令斷單于章

中郎將使匈奴中郎將也斷音短單于居西河美稷故諷令太

守斷其章使不上聞單于無由自聞崇因與朱徽上言南單于

安國疎遠故胡親近新降

遠于願翻近其靳翻降戶江翻

欲殺左賢

王師子及左臺且渠劉利等又右部降者謀其迫脅

安國起兵背畔

且子余翻背蒲妹翻

請西河上郡安定爲之儆

備帝下公卿議

下遐稼翻

皆以爲蠻夷反覆雖難測知然

大兵聚會必未敢動搖今宜遣有方略使者之單于

庭之往也使疏吏翻

與杜崇朱徽及西河太守并力觀其動

靜如無他變可令崇等就安國會其左右大臣責其

部眾橫暴為邊害者其平罪誅相與平處其罪當誅者則誅之橫戶孟翻

若不從命令為權時方略事畢之後裁行賞賜賢曰裁量

賜物不多與也亦足以威示百蠻於是徽崇遂發兵造其庭

造七到翻安國夜聞漢軍至大驚棄帳而去帳單于所居即謂之穹廬

又謂之廬帳因舉兵欲誅師子師子先知乃悉將廬落入

曼柏城曼柏縣屬五原郡安國追到城下門閉不得入朱徽

遣吏譬和之安國不聽城既不下乃引兵屯五原崇

徽因發諸郡騎追赴之急眾皆大恐安國舅骨都侯

喜為等慮并被誅乃格殺安國被皮義翻考異曰帝紀在去年誤今從

南匈奴奴傳立師子爲亭獨尸逐侯鞬單于鞬丁奚翻已卯司

徒丁鴻薨 二月丁未以司空劉方爲司徒太常張

奮爲司空 夏五月城陽懷王淑薨無子國除 秋

七月京師旱 西域都護班超發龜茲鄯善等八國

兵合七萬餘人龜茲音丘慈鄯上肩翻討焉耆到其城下誘焉

耆王廣尉犁王汎等於陳睦故城斬之傳首京師誘音

西考異曰袁紀汎作沈今從超傳因縱兵鈔掠鈔楚交翻斬首五千餘級

獲生口萬五千人更立焉耆左侯元孟爲焉耆王焉耆

國有左右將左右侯更工衡翻超留焉耆半歲慰撫之於是西域五

十餘國悉納質內屬至於海濱西海之濱也所謂條支大秦蒙奇兜勒諸



國也質音致四萬里外皆重譯貢獻重直龍翻班超所以

能及西域也奴衰困力不南單于師子立降胡五六百人夜襲

師子降戶安集掾王恬將衛護士與戰破之使匈奴

置掾隨事爲員安集掾以天下未定使之安集匈奴爲稱也光武在

河北亦置安集掾武二十六年使匈奴中郎將置安集掾史將弛刑五

於是降胡遂相驚動十五部二十餘萬人皆反脅立

前單于屯屠何子奠鞮日逐王逢侯爲單于鞮當作

前鞮鞞兩字通今不改亦可奠於六翻鞞九言翻遂殺略吏民燔燒郵亭廬

帳將車重向朔方欲度幕北郵音尤重九月癸丑以

光祿勳鄧鴻行車騎將軍事與越騎校尉馮柱行度

通鑑四十一和帝

遼將軍朱徽將左右羽林北軍五校士及郡國迹射

緣邊兵

賢曰漢有迹射士言尋迹而射也

烏桓校尉任尙將烏桓鮮

卑合四萬人討之時南單于及中郎將杜崇屯牧師

城

漢邊郡有牧師苑以養馬此牧師苑城也當在西河郡美稷縣界

逢侯將萬餘騎

攻圍之冬十一月鄧鴻等至美稷逢侯乃解圍去向

滿夷谷南單于遣子將萬騎及杜崇所領四千騎與

鄧鴻等追擊逢侯於大城塞

大城縣故屬西河郡郡國志屬朔方郡

斬

首四千餘級任尙率鮮卑烏桓要擊逢侯於滿夷谷

要一遙翻

復大破之

復扶又翻下同

前後凡斬萬七千餘級逢侯

遂率眾出塞漢兵不能追而還

還從宣翻又如字

以大司

農陳寵爲廷尉寵性仁矜數議疑獄數所每附經典

務從寬恕刻敝之風於此少衰少詩帝以尙書令江

夏黃香爲東郡太守香辭以典郡從政才非所宜乞

畱備宀官宀而備賜以督責小職任之宮臺煩事宮

宮中臺謂尙書臺也尙書帝乃復畱香爲尙書令增

秩二千石按百官志尙書令秩千石今特增秩二千

爲尙書令而甚見親重香亦祇勤物務憂公如家

七年春正月鄧鴻等軍還馮柱將虎牙營畱屯五原

鴻坐逗畱失利下獄死後帝知朱徽杜崇失胡和又

禁其上書以致胡反皆徵下獄死下選夏四月辛

通鑑四十八 漢紀四十一 和帝 十一

亥朔日有食之

秋七月乙巳易陽地裂

余按地理志及郡國

志易陽縣屬趙國應邵曰易水出涿郡故安師古及賢皆曰縣在易水之陽此皆承應劭之誤也易水在燕南界漢屬河閒郡界此時趙國僅有唐邢洛二州之地安得有屬縣遠在易水之陽邪五代史志洛州臨洛縣舊曰易陽後齊廢入襄國縣後周改爲易陽縣別置襄國縣隋開皇六年改易陽縣爲邯鄲縣十年改邯鄲縣爲臨洛而別置邯鄲縣田是觀之漢易陽縣當在邯鄲襄國二縣之間

九月癸

卯京師地震

樂成王黨坐賊殺人削東光鄆二縣

東光縣本屬勃海郡鄆縣本屬鉅鹿郡章帝以益樂成國鄆音羌堯翻舊禁宮人出嫁不得適諸國有故掖庭技人哀置嫁男子章初黨召入宮與通初欲上書告之黨賂哀置姊昭殺初

八年春二月立貴人陰氏爲皇后后識之曾孫也

夏四月樂成靖王黨薨子哀王崇立尋薨無子國除

五月河內陳畱蝗

南匈奴右溫禺犢王烏居戰

畔出塞

賢曰溫禺犢王名烏居戰

秋七月度遼將軍龐奮越騎校

尉馮柱追擊破之徙其餘眾及諸降胡二萬餘人於

安定北地

安定郡在雒陽西千七百里北地郡在雒陽西千一百里

車師後部王

涿靺反擊前王尉畢大獲其妻子

尉畢大西域傳作尉卑大時戊己校

尉索頽欲廢後部王涿靺涿靺忿前王尉卑大賣己因反擊尉卑大靺丁奚翻

九月京師

蝗 冬十月乙丑北海王威以非敬王子又坐誹謗

自殺 十二月辛亥陳敬王羨薨 丁巳南宮宣室

殿火 護羌校尉貫友卒以漢陽太守史充代之充

至遂發湟中羌胡出塞擊迷唐迷唐迎敗充兵

敗補邁翻

殺數百人充坐徵以代郡太守吳祉代之

九年春三月庚辰隴西地震 癸巳濟南安王康薨

諡法好和不爭曰安寬裕和平曰安濟子禮翻

西域長史王林擊車師後

王斬之

後王涿鞮

夏四月丁卯封樂成王黨子巡爲樂

成王 五月封皇后父屯騎校尉陰綱爲吳房侯

志吳房縣屬汝南郡有棠籛亭左傳房國楚靈王所滅又楚昭王封吳王夫概于棠籛地道記有吳城吳

房蓋合吳城房國以名縣也

以特進就第 六月旱蝗 秋八月

鮮卑寇肥如遼東太守祭參坐沮敗下獄死

賢曰肥如縣屬

遼西郡前書音義曰肥子奔燕封於此今平州也按祭彤傳參守遼東鮮卑入郡界參坐沮敗下獄死蓋

寇遼西之肥如遂入遼東郡界也沮在呂翻

閏月辛巳皇太后竇氏崩

初梁貴人既死

事見四十六卷章帝建初八年

宮省事祕莫有知帝

爲梁氏出者舞陰公主子梁扈遣從兄檀奏記三府

扈梁松子也帝母梁貴人少失母爲伯母舞陰公主所養從才用翻賢曰檀古禪字

以爲漢家

舊典崇貴母氏而梁貴人親育聖躬不蒙尊號求得

申議

賢曰求申理而議之也

太尉張酺言狀帝感慟良久曰

毛

曰良頗也良久頗久也或曰良久少久也一曰良於略也聲輕故轉略爲良慟徒弄翻大哭也哀過也於

君意若何酺請追上尊號存錄諸舅

錄采也收拾也

帝從之

會貴人姊南陽樊調妻慙

慙音於計翻紀慙皆作憑今從皇后紀

考異曰袁

梁竦傳

上書自訟曰妾父竦冤死牢獄骸骨不掩母氏

年踰七十及弟棠等遠在絕域不知死生願乞收竦

朽骨使母弟得歸本郡帝引見慙乃知貴人枉沒之

狀三公上奏請依光武黜呂太后故事

事見四十五卷光武中元

元年按此事乃光武之失而可引之爲典故乎

貶竇太后尊號不宜合葬先

帝百官亦多上言者帝手詔曰竇氏雖不遵灋度而

太后常自減損朕奉事十年

自嗣位至是十年

深惟大義

惟思

也禮臣子無貶尊上之文恩不忍離義不忍虧案前

世上官太后亦無降黜

謂上官桀父子誅不累及上官后也事見二十二卷昭帝

元鳳元年

其勿復議

復扶又翻

丙申葬章德皇后

燒唐羌迷

唐率眾八千人寇隴西脅塞內諸種羌合步騎三萬

人擊破隴西兵殺大夏長

大夏縣屬隴西郡宋白曰今大夏縣屬河州夏戶雅



翻種章勇翻 詔遣行征西將軍劉尙越騎校尉趙世

副之以趙世副劉尙也 考異曰西羌傳作趙代今

點及此遂改將漢兵羌胡共三萬人討之尙屯狄道

世屯枹罕狄道枹罕二縣皆屬隴西郡宋白曰狄道縣屬蘭州枹罕縣河州治所枹音膚尙

遣司馬寇盱監諸郡兵四面並會監古迷唐懼棄老

弱犇入臨洮南犇入臨洮南山也尙等追至高山大破之斬

虜千餘人迷唐引去漢兵死傷亦多不能復追復扶

乃還 九月庚申司徒劉方策免自殺 甲子追尊

梁貴人爲皇太后諡曰恭懷追復喪制冬十月乙酉

改葬梁太后及其姊大貴人於西陵西陵蓋以其地在敬陵之西故

稱西陵猶薄太后陵在霸陵南因謂之南陵也賢曰初后葬有闕故改葬擢樊調爲羽林

左監追封謚皇太后父竦爲褒親愍侯謚法在國逢難曰愍遣

使迎其喪葬於恭懷皇后陵旁徵還竦妻子封子棠

爲樂平侯樂平侯國屬東郡故清縣也章帝更名棠弟雍爲乘氏侯乘氏

侯國屬濟陰郡春秋之乘丘也乘繩證翻雍弟翟爲單父侯單父音善甫位皆

特進賞賜以巨萬計寵遇光於當世梁氏自此盛矣

清河王慶始敢求上母宋貴人家宋貴人家在雒陽城北樊濯聚上時

掌帝許之詔太官四時給祭具慶垂涕曰生雖不獲

供養供俱用翻養羊尙翻終得奉祭祀私願足矣欲求作祠堂

恐有自同恭懷梁后之嫌遂不敢言常泣向左右以

爲沒齒之恨

齒年也

後上言外祖母王年老乞詣雒陽

療疾於是詔宋氏悉歸京師

宋氏歸故郡事見四十六卷章帝建初七年

除慶舅衍俊蓋暹等皆爲郎 十一月癸卯以光祿

卿河南呂蓋爲司徒 十二月丙寅司空張奮罷壬

申以太僕韓稜爲司空 西域都護定遠侯班超遣

掾甘英使大秦條支

東觀記曰以漢中郡南鄭縣之西鄉千戶封超爲定遠侯賢曰

定遠故城在今洋州西鄉縣南西域傳曰自皮山西南經烏秣涉懸度歷闕賓六十餘日行至烏弋山離

國復西南馬行百餘日至條支條支臨西海海水曲環其南及東北三面路絕唯西北隅通陸道大秦國

西漢之犁靽也在西海西其人民長大平正有類中國故謂之大秦今拂菻國是也掾俞緡翻使疏吏翻

窮西海皆前世所不至莫不備其風土傳其珍怪焉

及安息西界

自條支轉北而東馬行六十餘日至安息

臨大海欲度船人

謂英曰海水廣大往來者逢善風

善風謂順風也

三月乃得

度若遇遲風亦有二歲者故入海人皆齋三歲糧海

中善使人思土戀慕數有死亡者

數所角翻

英乃止

十年夏五月京師大水

秋七月己巳司空韓稜薨

八月丙子以太常太山巢堪爲司空

冬十月五州

雨水

行征西將軍劉尙越騎校尉趙世坐畏懦徵

下獄免謁者王信領尙營屯枹罕謁者耿譚領世營

屯白石

白石縣本屬金城郡時屬隴西郡水經注白石川水南逕白石城西而注灘水水又逕白石

石縣故城南闕駟曰白石縣在狄道縣西北二百八十五里賢曰白石山在今蘭州或曰河州鳳林縣本

漢白石縣張駿改爲永固唐爲烏州後廢州置安  
昌縣後又更名鳳林杜佑曰直道縣有白石山 譚

乃設購賞諸種頗來內附迷唐恐乃請降信譚遂受

降罷兵十二月迷唐等帥種人詣闕貢獻帥讀曰率  
種章勇翻

戊寅梁節王暘薨 初居巢侯劉般薨居巢縣屬  
廬江郡般

建初三  
年薨子愷當嗣稱父遺意讓其弟憲遁逃久之有

司奏絕愷國肅宗美其義特優假之愷猶不出積十

餘歲有司復奏之復扶  
又翻侍中賈逵上書曰孔子稱能

以禮讓爲國乎何有見論  
語有司不原樂善之心樂音  
洛

而繩以循常之凜懼非長克讓之風成含弘之化也

長知  
兩翻帝納之下詔曰王凜崇善成人之美其聽憲嗣

爵遭事之宜後不得以爲比乃徵愷拜爲郎南單

于師子死單于長之子檀立爲萬氏尸逐鞮單于

十一年夏四月丙寅赦天下帝因朝會召見諸儒

朝直遙翻見賢遍翻使中大夫魯丕與侍中賈逵尙書令黃香

等相難數事難乃旦翻以經疑相難也下同帝善丕說罷朝特賜衣

冠丕因上疏曰臣聞說經者傳先師之言非從己出

不得相讓相讓則道不明若規矩權衡之不可枉也

賢曰規圓也矩方也權秤錘衡秤衡也難者必明其據說者務立其義

漢儒專門名家各守師說故發難者必明其師之說以爲據答難者亦必務立大義以申其師之說浮

華無用之言不陳於前故精思不勞而道術愈章章明

也思相  
吏翻

瀆異者各令自說師瀆博觀其義無令芻蕘

以言得罪

自比於芻蕘謙  
也蕘如招翻

幽遠獨有遺失也

十二年夏四月戊辰秭歸山崩

賢曰秭歸縣屬南郡  
古之夔國今歸州也

袁山松曰屈原此縣人既被流放忽然薨歸其  
姊亦來因名其地爲秭歸秭亦姊也音蔣兒翻

秋

七月辛亥朔日有食之

九月戊午太尉張酺免

丙寅以大司農張禹爲太尉

燒當羌豪迷唐旣入

朝其餘種人不滿二千飢窘不立

不能自立也種  
章勇翻下同

入

居金城帝令迷唐將其種人還大小榆谷迷唐以漢

作河橋

卽五年貫友  
所作之橋

兵來無常故地不可復居

復扶  
又翻

下辭以種人飢餓不肯遠出護羌校尉吳祉等多賜

同

同

同

同

同

迷唐金帛令糴穀市畜

畜許又翻

促使出塞種人更懷猜

驚是歲迷唐復叛脅將湟中諸胡寇鈔而去

鈔楚交翻王

信耿譚吳祉皆坐徵

十三年秋八月己亥北宮盛饌門閣火

盛饌門閣御廚門閣也晉

書天文志曰紫宮垣西南角外二星內二星曰內廚主六宮之內飲食后妃夫人與太子宴飲東北維外

六星曰天廚主盛饌皇居則象於天極故北宮有盛饌門閣

迷唐復還賜支河

曲將兵向塞護羌校尉周鮪與金城太守侯霸

金城郡在

洛陽西二千八百里鮪于軌翻

及諸郡兵屬國羌胡合三萬人至允

川水經注曰允川去賜支河曲數十里在大小榆谷之西

侯霸擊破迷唐種人

瓦解降者六千餘口

種章勇翻降戶江翻

分徙漢陽安定隴西



迷唐遂弱遠踰賜支河首依發羌居

發羌羌之別種或曰唐之吐蕃

卽其後也

久之病死其子來降戶不滿數十

荊州雨水

冬十一月丙辰詔曰幽并涼州戶口率少

幽州部涿郡廣

陽代郡上谷漁陽右北平遼西遼東玄菟樂浪等郡并州部上黨太原上郡西河五原雲中定襄鴈門朔

方等郡幽州大郡戶猶十萬餘唯玄菟戶一千五百

二十四并州大郡三萬餘小郡不滿二千涼州大郡

不滿三萬敦煌七百四邊役眾劇東脩良吏進仕路

十八而已少詩沼翻狹束脩謂束髮自脩者也撫接夷狄以人爲本其令緣邊郡口

十萬以上歲舉孝廉一人不滿十萬二歲舉一人五

萬以下三歲舉一人鮮卑寇右北平右北平郡在戊辰司徒呂蓋

三百遂入漁陽漁陽太守擊破之里

以老病致仕 巫蠻許聖以郡收稅不均怨恨遂反

賢曰巫縣屬南郡故城在今夔州巫山縣 辛卯寇南郡

十四年春安定降羌燒何種反

燒當與燒何各是一種章勇翻下同

郡兵擊滅之時西海及大小榆谷左右無復羌寇

水經

河水自東河曲逕西海郡南又東逕允川而歷大小榆谷北復扶又翻 隃麋相曹鳳上

言

隃麋侯國屬右扶風隃音踰麋音眉賢曰隃麋故城在今隴西汧陽縣東南 自建武以

來西羌犯邊者常從燒當種起所以然者以其居大

小榆谷土地肥美有西海魚鹽之利

西海有允谷鹽池 阻大

河以爲固又近塞諸種易以爲非

易以攻伐故

能疆大常雄諸種恃其拳勇

詩云無拳無勇毛萇注云拳力也 招誘

羌胡今者衰困黨援壞沮

誘音西沮在呂翻

亡逃棲竄遠依

發羌臣愚以爲宜及此時建復西海郡縣

建立也立策復置郡

縣也置西海郡見三十六卷平帝元始四年

規固二榆

規圖也

廣設屯田

隔塞羌胡交關之路

塞悉則翻

遏絕狂狡窺欲之源又殖

穀富邊省委輸之役

委於僞翻輸春遇翻

國家可以無西方之

憂上從之繕修故西海郡徙金城西部都尉以戍之

孟康曰金城西部都尉府在金城縣

拜鳳爲金城西部都尉屯龍耆

賢曰

龍耆卽龍支也今鄯州縣宋白曰鄯州龍支縣本漢允吾縣地取縣西龍支堆爲名

後增廣屯

田列屯夾河合三十四部其功垂立會永初中諸羌

叛乃罷

三月戊辰臨辟雍饗射赦天下

夏四月

通鑑四十一  
漢紀四十一  
遣使者督荊州兵萬餘人分道討巫蠻許聖等大破

之聖等乞降悉徙置江夏

晉宋之荊州蠻分居沔中西陽者卽巫蠻之餘種也

降戶江翻

陰皇后多妬忌寵遇浸衰數懷恚恨

數所角翻恚衣

避翻后外祖母鄧朱出入宮掖有言后與朱共挾巫蠱

道者

賢曰巫師爲蠱故曰巫蠱左傳注曰蠱惑也

帝使中常侍張慎與尙

書陳喪案之劾以大逆無道

劾戶槩翻又戶得翻

朱二子奉毅

后弟輔皆考死獄中六月辛卯后坐廢遷于桐宮以

憂死父特進綱自殺后弟軼敞及朱家屬徙日南比

景

日南郡秦象郡也武帝更名在雒陽南萬三千四百里比景縣屬焉如淳曰日中於頭上景在己下

故名之師古曰日南言其在日之南所謂開北戶以向日者軼音逸

秋七月壬子常

山殤王側薨無子立其兄防子侯章爲常山王

房子縣屬

常山

三州大水

班超久在絕域

超始出西域見四十五卷明帝

永平十六年

年老思土上書乞歸曰臣不敢望到酒泉郡

但願生入玉門關

酒泉郡在雒陽西四千七百里賢曰玉門關屬敦煌郡今沙州也去

長安三千六百里關在敦煌縣西北酒泉郡今肅州也去長安二千八百五十里

謹遣子勇

隨安息獻物入塞及臣生在令勇目見中土朝廷久

之未報超妹曹大家

超妹昭嫁扶風曹壽博學高才有節行法度帝數召入宮合皇

后諸貴人師事焉號曰大家家今人相傳讀曰姑又據皇后紀冲帝母虞貴人梁冀秉政抑而不加爵號

但稱大家而已則大家者宮中相尊之稱也

上書曰蠻夷之性悖逆侮老

悖蒲內翻又蒲沒翻

而超旦暮入地久不見代恐開姦宄之原

生逆亂之心而卿大夫咸懷一切莫肯遠慮如有卒

暴卒讀曰超之氣力不能從心便爲上損國家累世

之功下棄忠臣竭力之用誠可痛也故超萬里歸誠

自陳苦急延頸踰望賢曰踰遙也高祖踰謂黠布曰何苦而反余按前書當作險讀

日遙傳寫三年於今未蒙省錄省悉妾竊聞古者十

五受兵六十還之賢曰周禮鄉大夫職曰國中七尺以及六十有五皆征之征謂賦稅

從征役也韓詩外傳曰二十行役六十免役與周禮國中同即知一與周禮七尺同禮國中六十免役野

即六十有五晚於國中五年國中七尺從役野六尺即

是野又早於國中五年七尺謂二十六尺即十五也此言十五受兵據野外爲亦有休息不任職也音

壬故妾敢觸死爲超求哀勾超餘年爲于僞翻賢一

得生還復見闕庭使國家無勞遠之慮西域無倉卒

之憂超得長蒙文王葬骨之恩

新序曰周文王作靈臺掘地得死人之骨

王曰更葬之吏曰此無主矣文王曰有天下者天下之主也有一國者一國之主也寡人固其主又安求

之主遂更葬之天下皆曰文王賢矣澤及朽骨而況於人乎

子方哀老之惠

賢曰

方魏文侯之師也見君之老馬棄之曰少盡其力老而棄之非仁也於是收而養之帝感其言

乃徵超還八月超至雒陽拜爲射聲校尉九月卒

考異

日本傳稱超十二年上疏十四年至雒陽而妹昭上書曰延頸踰望三年於今注引東觀記曰安息遣使

獻大雀師子超遣子勇隨入塞按帝紀十三年安息國入貢袁紀載超書亦在十三年今并置其書於此

袁紀又云超到數月薨今從本傳

超之被徵

被皮義翻

以戊己校尉任尙

代爲都護尙謂超曰君侯在外國三十餘年而小人

猥承君後任重慮淺宜有以誨之超曰年老失智君

數當大位

數所角翻

豈班超所能及哉必不得已願進愚

言塞外吏士本非孝子順孫皆以罪過徙補邊屯而

蠻夷懷鳥獸之心難養易敗

易以鼓翻

今君性嚴急水清

無大魚察政不得下和

家語孔子曰水至清則無魚人至察則無徒

宜蕩

佚簡易

易以鼓翻

寬小過總大綱而已超去尚私謂所親

曰我以班君當有奇策今所言平平耳尚後竟失邊

和如超所言

爲任尚徵還漢失西域張本

初太傅鄧禹嘗謂人

曰吾將百萬之眾未嘗妄殺一人後世必有與者其

子護羌校尉訓有女曰綏性孝友好書傳

好呼到翻傳柱戀翻



常晝脩婦業暮誦經典家人號曰諸生叔父陔曰嘗

聞活千人者子孫有封兄訓爲謁者使修石臼河歲

活數千人

陔柯開翻石臼河事見四十六卷章帝建初三年

天道可信家必

蒙福綏後選入宮爲貴人恭肅小心動有濳度承事

陰后接撫同列常克己以下之

謂克去有己之私不欲上人也下選稼翻

雖宮人隸役皆加恩借

既有以恩之又假借以辭色

帝深嘉焉嘗

有疾帝特令其母兄弟入親醫藥不限以日數貴人

辭曰宮禁至重而使外舍久在內省

外舍猶言外家內省猶言內禁

也

上令陛下有私幸之譏

私幸謂私於所幸者

下使賤妾獲不

知足之謗上下交損

謂交有所損

誠不願也帝曰人皆以

數入爲榮

數所角

貴人反以爲憂邪每有讌會諸姬

競自脩飾貴人獨尚質素其衣有與陰后同色者卽

時解易若並時進見

見賢遍

則不敢正坐離立

賢曰離並

也禮記曰離坐離立

行則僂身自卑

僂力主翻俯也

帝每有所問常逡

巡後對不敢先后言

先悉薦翻

陰后短小舉指時失儀左

右掩口而笑貴人獨愴然不樂爲之隱諱若己之失

樂音洛爲于僞翻

帝知貴人勞心曲體歎曰脩德之勞乃如

是乎後陰后寵衰貴人每當御見

御進也見賢遍翻

輒辭以

疾時帝數失皇子貴人憂繼嗣不廣數選進才人以

博帝意

西漢宮中爵號有美人良人若才人蓋東都所置也博廣也

陰后見貴人

德稱日盛

稱尺證翻

深疾之

疾與嫉同妬也

帝嘗寢病危甚陰后

密言我得意不令鄧氏復有遺類

復扶又翻

貴人聞之流

涕言曰我竭誠盡心以事皇后竟不爲所祐今我當

從死

從才用翻

上以報帝之恩中以解宗族之禍下不令

陰氏有人豕之譏

人豕卽人彘事見十二卷惠帝元年

卽欲飲藥宮人

趙玉者固禁止之因詐言屬有使來

屬之欲翻會上也使疏吏翻

上

疾已愈貴人乃止明日上果瘳

瘳丑畱翻

及陰后之廢貴

人請救不能得帝欲以貴人爲皇后貴人愈稱疾篤

深自閉絕冬十月辛卯詔立貴人鄧氏爲皇后后辭

讓不得已然後卽位郡國貢獻悉令禁絕

漢郡國貢獻進御之

外別上宮歲時但供紙墨而已

毛晃曰楮籍不知所始後漢蔡倫以魚網木皮

爲紙俗以爲紙始於倫非也案前書外戚傳已有赫蹏紙矣墨膠煤以爲之

帝每欲官爵

鄧氏后輒哀請謙讓故兄騰終帝世不過虎賁中郎

將

騰職日翻賢曰東觀記騰作陟

丁酉司空巢堪罷

十一月癸

卯以大司農沛國徐防爲司空防上疏以爲漢立博

士十有四家

漢官儀曰光武中興恢弘稽古易有施孟梁丘賀京房書有歐陽和伯夏侯勝

建詩有申公轅固韓嬰春秋有嚴彭祖顏安樂禮有戴德戴聖凡十四博士

設甲乙之科

前書博士弟子歲課甲科四十人爲郎中乙科二十人爲太子舍人丙科四十人爲文學掌故以勉

勸學者伏見太學試博士弟子皆以意說不修家法

賢曰諸經爲業各自名家私相容隱開生姦路每有策試

策編簡也策試

卽射策也漢書音義曰作簡策難問列置輒興諍訟

案上在試者意投射取而答之謂之射策

輒興諍訟諍讀與論議紛錯互相是非孔子稱述而不作見論語賢

爭同曰祖述先聖之言不自制作又曰吾猶及史之闕文亦見論語賢曰古者史官

於書所有不知則闕以待能者孔子言吾少時猶及見古史官之闕文今則無之疾時多穿鑿也

不依章句妄生穿鑿以遵師爲非義意說爲得理意說

者創意而輕侮道術浸以成俗誠非詔書實選本意

爲之說改薄從忠三代常道賢曰太史公曰夏之政忠忠之

敬之敝小人以鬼故周人承之以文文之敝小人以

儻故救儻莫若以忠三王之道若循環周而復始音西志翻史專精務本儒學所先先悉臣以爲博士

及甲乙策試宜從其家章句開五十難以試之難乃

通鑑四十八  
漢紀四十一  
解釋多者爲上第引文明者爲高說若不依先師義

有相伐

賢曰伐謂相攻伐也

皆正以爲非上從之

是歲初封

大長秋鄭眾爲鄴鄉侯

賞誅實憲功也宦官封侯自此始賢曰說文曰南陽郡棘

陽縣有鄴鄉鄭音上交翻

十五年夏四月甲子晦日有食之時帝遵肅宗故事

兄弟皆畱京師有司以日食陰盛奏遣諸王就國詔

曰甲子之異責由一人諸王幼穉早離顧復

詩小雅蓼莪之

篇曰父兮生我母兮鞠我顧我復我出入腹我鄭氏箋曰顧旋視也復反覆也離力智翻

弱冠相

育冠古常有蓼莪凱風之哀

詩小雅曰蓼蓼者莪匪我

勛勞又國風曰凱風自南吹彼棘心棘心夭夭母氏勛勞蓼力竹翻

選懦之恩知非國

典且復宿留

賢曰選懦慈戀不決之意也懦音人竟翻復扶又翻宿音秀留音濡

秋

九月壬午車駕南巡清河濟北河閒三王並從

禮翻

從才用翻

四州雨水

冬十月戊申帝幸章陵戊午進

幸雲夢

賢曰雲夢今安州縣也卽在雲夢澤中

時太尉張禹畱守

守手又翻

聞車駕當幸江陵以爲不宜冒險遠遊驛馬上諫

上時

掌翻詔報曰祠謁旣訖

謂幸章陵祠謁四親陵廟

當南禮大江會得

君奏臨漢回輿而旋十一月甲申還宮

嶺南舊貢

生龍眼荔枝十里一置五里一候

賢曰交州記曰龍眼樹高五六丈似

荔支而小廣州記曰子似荔支而圓七月熟荔支樹

高五六丈大如桂樹實如雞子甘而多汁似安石榴

有甜醋者至日禺中翕然俱赤卽可食置

謂驛也候卽埃也立之道旁荔立計翻

晝夜傳送

通鑑四十八  
傳直

臨武長汝南唐羌

賢曰臨武縣屬桂陽郡今郴州縣嶺南入獻道經臨武長

知兩

上書曰臣聞上不以滋味爲德下不以貢膳爲

功伏見交阯七郡

交阯州部南海蒼梧鬱林合浦交阯九真日南七郡

獻生龍

眼等鳥驚風發

言其疾也

南州土地炎熱惡蟲猛獸不絕

於路至於觸犯死亡之害死者不可復生來者猶可

救也

復扶又翻下同

此二物升殿未必延年益壽帝下詔曰

遠國珍羞本以薦奉宗廟

宗廟之薦各以其土之所有而致之貴遠物也苟

有傷害豈愛民之本其敕太官勿復受獻

是歲初

令郡國以日北至按薄刑

時有司奏以爲夏至則微陰起靡草死可以決小事

遂令以日北至按薄刑賢曰禮記月令曰孟夏之月靡草死麥秋至斷薄刑決小罪按五月一陰文生可



以言微陰今月令云孟夏乃是純陽之月此言夏至者與月令不同余按安帝永初元年魯恭言自永元十五年按薄刑改用孟夏則夏至乃謂夏之初至范史以日北至書之其誤後人甚矣

十六年秋七月旱 辛酉司徒魯恭免 庚午以光

祿勳張酺爲司徒八月己酉酺薨 冬十月辛卯以

司空徐防爲司徒大鴻臚陳寵爲司空臚陵如翻 十一

月己丑帝行幸緱氏登百岨山緱氏縣屬河南尹賢曰卽柏岨山也在洛

州緱氏縣南爾雅云山一成曰岨緱工侯翻岨平眉翻 北匈奴遣使稱臣貢

獻願和親修呼韓邪故約帝以其舊禮不備未許而

厚加賞賜不答其使

元興元年春高句驪王宮入遼東塞寇略六縣句驪至宮

浸強數犯邊句如字  
又音駒驪力知翻

夏四月庚午赦天下改元

秋九月遼東太守耿夔擊高句驪破之 冬十二月

辛未帝崩于章德前殿年二十七初帝失皇子前後十數

後生者輒隱祕養於民間羣臣無知者及帝崩鄧皇

后乃收皇子於民間長子勝有痼疾痼音固痼疾聖久之疾也長知

兩少子隆生始百餘日照少詩翻迎立以爲皇太子是夜

卽皇帝位廢長立幼卒以不終爲羣臣疑勝疾非痼周章有異謀章本尊皇后曰

皇太后太后臨朝朝直遙翻是時新遭大憂瀆禁未設宮

中亡大珠一篋篋詰協翻竹筥也太后念欲考問必有不辜

考問則下之獄辭所連及必有無辜而被逮者乃親閱宮人觀察顏色卽時

首服

首式救翻

又和帝幸人吉成御者其枉吉成以巫蠱

事下掖庭考訊辭證明白

幸人常見幸於和帝者也御者即侍者辭謂告者之

辭證謂證佐也下遐稼翻

太后以吉成先帝左右待之有恩平日

尙無惡言今反若此不合人情

謂婦人之情有寵則上僭而生譖愬吉成

在先帝之時后待之以恩尙未嘗挾寵而有惡言加於后今帝已晏駕太后臨朝不應反爲巫蠱

更

自呼見實覈果御者所爲

實覈者審考其實也

莫不歎服以爲

聖明北匈奴重遣使詣敦煌貢獻

重直用翻敦音屯

辭以

國貧未能備禮願請大使當遣子入侍

賢曰天子降大使至其國

即遣子隨大使入侍

太后亦不答其使加賜而已

雒陽令廣

漢王渙居身平正能以明察發擿姦伏

擿他狄翻

外行猛

政內懷慈仁凡所平斷

斷丁亂翻

人莫不悅服京師以爲

有神是歲卒官

卒於官也卒子恤翻

百姓市道莫不咨嗟流涕

渙喪西歸道經弘農民庶皆設槃案於路

槃以祭渙也以盛祭

物案以陳槃今野人之祭猶然

吏問其故咸言平常持米到雒爲吏

卒所鈔

賢曰鈔掠也余謂此言鈔者非至如盜賊之鈔掠特不以道而侵取之故曰鈔音楚交翻

恆亡其半

恆戶登翻

自王君在事

在事謂在官當事也

不見侵枉故

來報恩雒陽民爲立祠作詩每祭輒弦歌而薦之

作詩被之弦歌也爲于僞翻

太后詔曰夫忠良之吏國家之所以

爲治也

治直之翻

求之甚勤得之至寡今以渙子石爲郎

中以勸勞勤

資治通鑑卷第四十八



資治通鑑卷第四十九

翰林學士兼侍讀學士朝散大夫右諫議大夫知制誥判尚書都省兼提舉萬壽觀公事上護軍河內郡開國侯食邑一千三百戶賜紫金魚袋臣司馬光奉勅編集

後學 天台胡三省 音注

漢紀四十一

起柔兆敦牂盡旃蒙單闕凡十年

孝殤皇帝

諱隆和帝少子也諡法短折不成日殤伏侯古今注曰隆之字曰盛

延平元年春正月辛卯以太尉張禹爲太傅司徒徐

防爲太尉參錄尚書事太后以帝在襁褓

襁居兩翻褓音保

欲令重臣居禁內乃詔禹舍宮中五日一歸府每朝

見特贊與三公絕席

特贊者每朝見贊拜者先獨贊禹名既乃贊太尉名以下禹不

與三公同贊也絕席者朝位獨在百僚上不與三公聯席也朝直遙翻見賢遍翻

封皇兄

勝爲平原王

癸卯以光祿勳梁鮪爲司徒

鮪于軌翻

三月甲申葬孝和皇帝于慎陵

賢曰慎陵在雒陽東南三十里

廟曰

穆宗

丙戌清河王慶濟北王壽河間王開常山王

章始就國

濟子禮翻

太后特加慶以殊禮

殊異也其禮異於諸王也

慶

子祐年十三太后以帝幼弱遠慮不虞畱祐與嫡母

耿姬居清河邸

爲帝崩立祐章本

耿姬況之曾孫也

耿況以上谷從

光武祐母韃爲左姬也

韃居言翻

夏四月鮮卑寇漁陽漁



陽太守張顯率數百人出塞追之兵馬掾嚴授諫曰

前道險阻賊勢難量掾音良宜且結營先令輕騎

偵視之顯意甚銳怒欲斬之遂進兵遇虜伏發士卒

悉走唯授力戰身被十創手殺數人而死緣邊郡曹有兵馬掾

掌兵馬偵丑鄭翻創初良翻主簿衛福功曹徐咸皆自投赴顯俱

沒於陳陳讀日陣丙寅以虎賁中郎將鄧騭爲車騎將

軍儀同三司三公也晉職官志曰儀同三司之名始此騭職日翻騭弟黃門

侍郎悝爲虎賁中郎將引閭皆侍中悝苦回翻閭齒良翻司

空陳寵薨五月辛卯赦天下壬辰河東垣山崩

賢曰垣縣今絳州縣也六月丁未以太常尹勤爲司空郡

國三十七雨水 己未太后詔減太官導官尚方內

署諸服御珍膳靡麗難成之物

賢曰太官令周官也秩千石典天子御膳

導官掌擇御米導擇也尚方掌作御刀劍諸器物內署掌內府衣物令秩皆六百石

自非供陵

廟稻梁米不得導擇朝夕一肉飯而已舊太官湯官

經用歲且二萬萬自是裁數千萬

百官志湯官丞主酒屬太官令

及

郡國所貢皆減其過半悉斥賣上林鷹犬

東都亦有上林苑在

維陽西斥開也棄也

離宮別館儲峙米糒薪炭悉令省之

時文里翻

備音

丁卯詔免遣掖庭宮人及宗室沒入者皆爲

庶民

秋七月庚寅敕司隸校尉部刺史曰

司隸校尉及諸

州部刺史也

間者郡國或有水災妨害秋稼朝廷惟咎憂

惶悼懼惟思也咎過也而郡國欲獲豐穰虛飾之譽遂覆蔽

災害

覆敷又翻

多張墾田不揣流亡

揣初委翻

競增戶口掩匿

盜賊令姦惡無懲

隱蔽盜賊不以上聞弗加誅討使姦惡無所懲艾

署用非

次選舉乖宜貪苛慘毒延及平民

賢曰平民謂善人也

刺史垂

頭塞耳阿私下比

塞悉則翻比毗至翻

不畏于天不愧于人

詩小

雅何人斯之辭

假貸之恩不可數恃

數所角翻

自今以後將糾其

罪二千石長吏其各實覈所傷害爲除田租芻橐

長知

兩翻爲于僞翻

八月辛卯帝崩

年二歲

癸丑殯于崇德前殿

賢曰雒陽南宮有崇德殿

太后與兄車騎將軍鷹虎賁中郎將悝

等定策禁中

悝苦同翻

其夜使鷹持節以王青蓋車迎清

河王子祐

賢曰續漢志曰皇太子皇子皆安車朱班輪青蓋金華蚤皇子爲王錫以乘之故曰

王青蓋車皇孫則綠車

齋于殿中皇太后御崇德殿百官皆吉

服陪位

賢曰不可以凶事臨朝改吉服也

引拜祐爲長安侯

賢曰不

天子而封侯者不欲從微卽登皇位余謂先封侯者用立孝宣帝故事也

乃下詔以祐爲

孝和皇帝嗣又作策命有司讀策畢太尉奉上璽綬

卽皇帝位

上時掌翻璽斯氏翻綬音受

太后猶臨朝

公羊傳曰猶者可止之辭

詔告司隸校尉河南尹南陽太守曰每覽前代外戚

賓客濁亂奉公

言其挾勢恣橫奉公之吏爲所濁亂也

爲民患苦咎在

執瀆怠懈不輒行其罰故也

懈古隘翻

今車騎將軍隲等

雖懷敬順之志而宗門廣大姻戚不少賓客姦猾多

干禁憲

賢曰干犯也

其明加檢敕勿相容護自是親屬犯

罪無所假貸

九月六州大水

丙寅葬孝殤皇帝

於康陵

賢曰康陵在愼陵塋中庚地

以連遭大水百姓苦役方中

祕藏

賢曰方中陵中也豕藏之中故言祕也孔穎達曰凡天子之葬掘地爲方壙漢書謂之方中

中之內先累椁於其方中南面爲羨道以蜃車載柩至壙說而載以龍輶從羨道而入至方中乃屬紼於

棺之緘從上而下棺入於椁之中方上謂覆坑方石止

及諸工作事減約十分

居一

十分居一者減其九分也

乙亥殞石于陳畱

陳畱郡在雒陽東五百三

十里 詔以北地梁懂爲西域副校尉

懂音勤校戶教翻

懂行

至河西會西域諸國反攻都護任尙於疏勒尙上書

求救詔懂將河西四郡羌胡五千騎馳赴之懂未至

而尚已得解詔徵尚還以騎都尉段禧爲都護西域

長史趙博爲騎都尉禧博守它乾城

班超爲都護居龜茲它乾城

城小梁懂以爲不可固乃譎說龜茲王白霸

譎古文翻說輸

音上慈

欲入其保其城白霸許之吏民固諫白霸

不聽懂既入遣將急迎段禧趙博合軍八九千人龜

茲吏民並叛其王而與溫宿姑墨數萬兵反共圍城

懂等出戰大破之連兵數月胡眾敗走乘勝追擊凡

斬首萬餘級獲生口數千人龜茲乃定

梁懂非不健屬然終不能

定西域者徒勇而無策略也

冬十月四州大水雨雹

雨于具翻

清

河孝王慶病篤上書求葬樊濯宋貴人家

欲從其母也

十二月甲子王薨

乙酉罷魚龍曼延戲

武帝元封三年作魚

龍曼延戲今罷之  
曼音萬延衍面翻

尚書郎南陽樊準以儒風寢衰

上疏曰臣聞人君不可以不學光武皇帝受命中興

東西誅戰不遑啟處

處昌呂翻

然猶投戈講藝

藝六藝也

息馬

論道孝明皇帝庶政萬機無不簡心

朱子曰簡闊也

而垂情

古典游意經藝每饗射禮畢正坐自講諸儒並聽四

方欣欣又多徵名儒布在廊廟每宴會則論難衍衍

賢曰衍衍和樂貌也難乃  
且翻衍苦旱翻又苦汗翻

共求政化期門羽林介冑

之士悉通孝經

期門即虎賁士

化自聖躬流及蠻荒是以議

者每稱盛時咸言永平今學者益少

少詩沼翻

遠方尤甚

博士倚席不講

賢曰禮記曰凡侍坐於大司成者遠席間函丈注云謂講問客也倚席言不施講坐也又曰若非飲食之客則布席

也倚席言不施講坐也

儒者競論浮麗忘蹇蹇之

忠習譏諷之辭

賢曰譏諷諂言也音踐前書曰昔秦穆公說譏諷之言

臣愚以

爲宜下明詔博求幽隱寵進儒雅以俟聖上講習之

期時安帝始年十三故講求儒雅以俟講習

太后深納其言詔公卿中二

千石各舉隱士大儒務取高行以勸後進

行下孟翻妙簡

博士妙精也簡擇也必得其人

孝安皇帝上

諱祐肅宗孫也父曰清河孝王慶諡法寬容和平曰安伏侯古今注

日祐之字曰福

永初元年春正月癸酉朔赦天下 蜀郡徼外羌內



屬

徵吉弔  
翻下同

二月丁卯分清河國封帝弟常保爲廣

川王

廣川縣屬信都國賢曰故  
城在今冀州棗彊縣東北

庚午司徒梁鮪薨

三月癸酉日有食之

己卯永昌徼外僬僥種夷

陸類等舉種內附

永昌郡在雒陽西七千二百六十  
里僬僥國人長不過三尺徼吉弔

翻僬茲消翻僥倪  
么翻種章勇翻

甲申葬清河孝王于廣丘

廣丘在清

河厝縣後  
更名甘陵

司空宗正護喪事儀比東海恭王

恭王葬  
見四十

五卷明帝永平元年  
帝紀書車騎將軍護葬今從傳

考異曰

自和帝之喪鄧騭

兄弟常居禁中騭不欲久在內連求還第太后許之

夏四月封太傅張禹太尉徐防司空尹勤車騎將軍

鄧騭城門校尉鄧悝虎賁中郎將鄧弘黃門郎鄧閭

皆爲列侯

禹安鄉侯防龍鄉侯隲上蔡侯悝葉侯弘西平侯闡西華侯闡音昌考異曰袁紀

前作闡後作闡蓋誤

食邑各萬戶隲以定策功增三千戶隲及

諸弟辭讓不獲遂逃避使者間關詣闕

賢曰間關猶崎嶇也

疏自陳至于五六乃許之五月甲戌以長樂衛尉

魯恭爲司徒

樂音洛

恭上言舊制立秋乃行薄刑自永

元十五年以來改用孟夏

事見上卷

而刺史太守因以盛

夏徵召農民拘對考驗連滯無已

連謂獄辭相連及也滯謂畱滯不決

也上逆時氣下傷農業案月令孟夏斷薄刑者謂其

輕罪已正

謂已結正也斷丁亂翻下同

不欲令久繫故時斷之也

臣愚以爲今孟夏之制可從此令其決獄案考皆以

立秋爲斷又奏孝章皇帝欲助三正之微定律著令

斷獄皆以冬至之前

事見四十七卷章帝元和三年

小吏不與國同

心者率十一月得死罪賊不問曲直便卽格殺雖有

疑罪不復讞正

復扶又翻讞魚列翻又魚戰翻又魚蹇翻議獄也

可令大辟

之科

辟毗亦翻

盡冬月乃斷朝廷皆從之

丁丑詔封北

海王睦孫壽光侯普爲北海王

和帝永元八年北海王威自殺今復紹封

壽光縣本屬北海後屬樂安國

九真徼外夜郎蠻夷舉土內屬

西域都護段禧等雖保龜茲而道路隔塞

塞悉則翻

檄書

不通公卿議者以爲西域阻遠數有背叛

數所角翻背蒲昧翻

吏士屯田其費無已六月壬戌罷西域都護

和帝永元三年

復置西域都護今罷遣騎都尉王弘發關中兵迎禧及梁懂趙

博伊吾盧柳中屯田吏士而還初燒當羌豪東號

之子麻奴隨父來降東號降見四十七卷和居於安

定時諸降羌布在郡縣皆爲吏民豪右所徭役徭使也

積以愁怨及王弘西迎段禧發金城隴西漢陽羌數

百千騎與俱郡縣迫促發遣羣羌懼遠屯不還行到

酒泉頗有散叛諸郡各發兵邀遮或覆其廬落于是

勒姐當前大豪東岸等愈驚遂同時犇潰姐音紫且翻又音紫

麻奴兄弟因此與種人俱西出塞滇零與鍾羌諸種

大爲寇掠斷隴道零音憐續漢書曰鍾羌九千餘戶在隴西臨洮谷隴道隴坻之道也

種章勇翻  
斷丁管翻  
時羌歸附既久無復器甲或持竹竿木枝

以代戈矛或負板案以爲楯

楯食尹翻

或執銅鏡以象兵

銅鏡映日人遙望之以爲兵也郡縣畏懦不能制丁卯赦除諸羌相

連結謀叛逆者罪 秋九月庚午太尉徐防以災異

寇賊策免三公以災異免自防始辛未司空尹勤以

水雨漂流策免 仲長統昌言曰

仲姓也商湯左相仲虺周有仲山甫

舜十六相有仲堪仲熊周八士有仲突仲忽光武皇帝愠數世之失權忿

疆臣之竊命

賢曰昌當也愠猶恨也數世謂元成哀平疆臣謂王莽

矯枉過直

政不任下雖置三公事歸臺閣

賢曰臺閣謂尙書余謂三公失職非至光

武時始然也自武帝游宴後庭用宦者處樞機至於宣帝專任恭顯而丞相御史取充位事歸臺閣其所

由來者  
漸矣

自此以來三公之職備員而已然政有不治

猶加譴責而權移外戚之家寵被近習之豎

被皮義翻親

其黨類用其私人內充京師外布州郡顛倒賢愚

易選舉

賢音茂

疲驚守境

驚音奴駑駘馬之下乘以諭不才之吏

貪殘牧

民撓擾百姓

撓音火高翻

忿怒四夷招致乖叛亂離斯瘼

用詩語賢曰瘼病也

怨氣並作陰陽失和三光虧缺怪異數至

數所角翻

蟲螟食稼水旱爲災此皆戚宦之臣所致然也

反以策讓三公至于死免乃足爲叫呼蒼天號咷泣

血者矣

放聲而哭曰號咷號戶乃翻咷徒刀翻

又中世之選三公也務

於清慤謹慎循常習故者是乃婦女之檢柙

賢曰檢柙猶規

矩也揚子曰蠢迪檢柙注云檢柙猶隱括也毛晃曰檢柙檢束也輔也俗作檢押非鄉曲之常

人耳惡足以居斯位邪

惡音烏下同

勢既如彼選又如此

而欲望三公勳立于國家績加于生民不亦遠乎昔

文帝之于鄧通可謂至愛而猶展申徒嘉之志

事見十四

卷文帝後二年

夫見任如此則何患于左右小臣哉至如近

世外戚宦豎請託不行意氣不滿立能陷人于不測

之禍惡可得彈正者哉曩者任之重而責之輕今者

任之輕而責之重光武奪三公之重至今而加甚不

假后黨以權數世而不行蓋親疏之勢異也

賢曰言光武奪

三公重任今奪更甚光武不假后黨威權數代遂不遵行此爲三公疏后黨親故也

今人主誠

專委三公分任責成而在位病民

病民謂百姓受其害也

舉用

失賢百姓不安爭訟不息天地多變人物多妖

妖于驕翻

然後可以分此罪矣

壬午詔太僕少府減黃門鼓

吹以補羽林士

漢官儀曰黃門鼓吹百四十五人羽林左監主羽林八百人右監主九百

人杜佑曰漢代有黃門鼓吹享宴食舉樂十三曲與魏代鼓吹長簫伎錄並云絲竹合作執節者歌又建初錄云務成黃爵玄雲遠期皆騎吹曲非鼓吹曲此則列于殿庭者爲鼓吹今之從行者爲騎吹二曲異也孫權觀魏武軍作鼓吹而還應是此鼓吹魏晉代給鼓吹甚輕身門督將五校悉有鼓吹齊梁至陳則重矣今代短簫鐃歌亦謂之鼓吹蔡邕曰鼓吹軍樂也黃帝岐伯所作以揚威武勸士調敵也雍門周說孟嘗君鼓吹于不測之淵說者云鼓自一物吹自箏籟之屬非簫鼓合奏別爲一樂之名也然則短簫鐃歌此時未名鼓吹矣宋白曰鼓吹據崔豹古今注張騫使西域得摩訶兜勒一曲李延年增之分爲二十



八曲梁置清商鼓吹令二人唐又有提鼓金鈺大鼓  
長鳴歌簫笳笛合爲鼓吹十二案大享會則設于懸

外廩馬非乘輿常所御者皆減半食

賢曰乘輿所乘車輿也不敢斥

言尊者故稱乘輿見諸所造作非供宗廟園陵之用

皆且止 庚寅以太傅張禹爲太尉太常周章爲司

空 大長秋鄭眾中常侍蔡倫等皆秉勢豫政周章

數進直言

數所角翻

太后不能用初太后以平原王勝有

痼疾而貪殤帝孩抱養爲己子故立焉及殤帝崩羣

臣以勝疾非痼意咸歸之太后以前不立勝恐後爲

怨乃迎帝而立之周章以眾心不附密謀閉宮門誅

鄧騭兄弟及鄭眾蔡倫劫尙書廢太后于南宮封帝

爲遠國王而立平原王事覺冬十一月丁亥章自殺

戊子敕司隸校尉冀并二州刺史民訛言相驚棄

捐舊居老弱相攜窮困道路其各敕所部長吏躬親

曉諭長知兩翻若欲歸本郡在所爲封長檄不欲勿彊爲于

僞翻賢曰封謂印封之也長檄猶今長牒也欲歸者皆給以長牒爲驗彊音其兩翻十二月

乙卯以潁川太守張敏爲司空 詔車騎將軍鄧騭

征西校尉任尙將五營及諸郡兵五萬人五營北軍五校營也

屯漢陽以備羌考異曰帝紀在六月今從西羌傳是歲郡國十八

地震四十一大水二十八風雨雹 鮮卑大人燕

荔陽詣闕朝賀太后賜燕荔陽王印綬赤車參駕赤車

者帷裳衡輓皆赤參駕者駕  
三馬燕于賢翻荔力計翻

令止烏桓校尉所居甯

城下

甯城屬上谷郡

通胡市因築南北兩部質館

賢曰築館以受降質

質音致下同

鮮卑邑落百二十部各遣入質

二年春正月鄧騭至漢陽諸郡兵未至鍾羌數千人

擊敗騭軍于冀西

冀縣之西也敗補邁翻

殺千餘人梁懂還至

敦煌

自西域還也敦徒門翻

逆詔懂畱爲諸軍援

逆迎也

懂至張

掖

張掖郡在雒陽西四千里應劭曰張掖者言爲國張臂掖也

破諸羌萬餘人

其能脫者十二三進至姑臧羌大豪三百餘人詣懂

降並慰譬遣還故地

御史中丞樊準以郡國連年

水旱民多飢困上疏請令太官尙方考功上林池籩

諸官實減無事之物

賢曰前書百官表少府掌山海池澤之稅屬官有太官考工尚

方上林中十池監太官掌御膳飲食考工主作器械尚方主作刀劍實減謂實覆其數減之也功當作工

藥偶五府調省中都官吏京師作者

賢曰五府謂太傅太尉司徒司

許翻空大將軍也調徵發也省減也中都官吏在京師之

官吏也作謂營作者也余按是時不拜大將軍獨鄧

騰爲車騎將軍

耳調徒弔翻

又被災之郡百姓凋殘恐非賑給所

能勝贍

被皮義翻勝音升

雖有其名終無其實可依征和元

年故事

賢曰武帝征和元年詔曰當今務在禁苛暴止擅賦力本農桑母乏武備而已余據此乃

遣使持節慰安尤困乏者徙

置荆揚孰郡

孰古熟字通

今雖有西屯之役宜先東州之

急

西屯謂討羌之師東州謂雒陽以東冀兗諸州被水旱也先悉薦翻

太后從之悉以

公田賦與貧民也

賦布也

卽擢準與議郎呂倉並守光祿

大夫二月乙丑遣準使冀州倉使兗州稟貸流民咸

得蘇息

稟給也貸施也死而更生曰蘇氣絕而復續曰息

夏旱五月丙寅

皇太后幸雒陽寺

賢曰寺官舍也風俗通曰寺祠也理事之吏嗣續於其中

及若

盧獄

前漢有若盧獄屬少府漢舊儀曰主鞠將相大臣東都初省和帝永元九年復置

錄囚

徒雒陽有囚實不殺人而被考自誣羸困輿見

輿篋也

獄囚被掠委困者以篋輿處之師古曰編竹木以爲輿形如今之食輿見賢遍翻篋音編

畏吏不

敢言將去舉頭若欲自訴太后察視覺之卽呼還問

狀具得枉實

得其見枉之實也

卽時收雒陽令下獄抵罪

稼行未還宮澍雨大降

澍音注又殊遇翻時雨也

六月京師及

郡國四十大水大風雨雹

東觀記曰雹大如芋魁雞子風拔樹發屋雨干具翻

秋七月太白入北斗

晉書天文志北斗七星在太

本也故運乎中央而臨制四方所以建四時而均五行也天文志曰大白入斗中爲貴相凶

閏

月廣川王常保薨無子國除

癸未蜀郡徼外羌舉

土內屬

東觀記曰徼外羌薄申等八種舉眾降徼吉弔翻

冬鄧騭使任尙

及從事中郎河內司馬鈞率諸郡兵與滇零等數萬

人戰于平襄

平襄縣屬漢陽郡賢日故襄戎邑零音憐

尙軍大敗死者八

千餘人羌眾遂大盛朝廷不能制湟中諸縣粟石萬

錢百姓死亡不可勝數而轉運難劇

劇甚也勝音升

故左校

令河南龐參

將作大匠屬官有左右校令各一人秩六百石左校令掌左工徒右校令掌右

工徒校戶教  
翻龐皮江翻

先坐灋輸作若盧使其子俊上書曰方

今西州流民擾動而徵發不絕水潦不休地力不復

賢曰言其耗  
損不復於舊

重之以大軍

重道  
用翻

疲之以遠戍農功消

於轉運資財竭於徵發田疇不得墾闢禾稼不得收

入搏手困窮

賢曰兩手相  
搏言無計也

無望來秋百姓力屈不復

堪命

復扶  
又翻

臣愚以爲萬里運糧遠就羌戎不若總兵

養眾以待其疲車騎將軍騰宜且振旅

傳曰三年而  
治兵入而振

旅書曰班師振旅振  
整也整眾而還也

畱征西校尉任尙使督涼州士

民轉居三輔

參建棄涼州之  
議發於此書

休徭役以助其時止煩

賦以益其財令男得耕種女得織紝

賢曰紝音如深  
翻杜預注左傳

云織紐織縵布也字釋  
云經機縷也又如沁翻  
然後畜精銳乘懈沮出其不

意攻其不備則邊民之仇報犇北之恥雪矣

懈古隘  
翻沮在

呂書奏會樊準上疏薦參大肩卽擢參于徒中召拜

謁者使西督三輔諸軍屯十一月辛酉詔鄧騭還師

畱任尙屯漢陽爲諸軍節度遣使迎拜騭爲大將軍

既至使大鴻臚親迎中常侍郊勞臚陵如翻王主以

下候望于道寵靈顯赫光震都鄙王主諸王及諸公  
玉也鄧騭西征無

功而還當引罪求自貶以謝天王據勢持權  
冒受榮寵於心安乎君子是以知其不終也滇零

自稱天子于北地招集武都參狼羌居武都者爲參  
狼種參所蕃翻

上郡西河諸雜種羌斷隴道寇鈔三輔斷王管翻  
鈔楚交翻南



入益州殺漢中太守董炳梁懂受詔當屯金城聞羌

寇三輔卽引兵赴擊轉戰武功美陽間

武功美陽二縣屬扶風

連破走之羌稍退散 十二月廣漢塞外參狼羌降

此與武都參狼同種而分居廣漢塞外者也

是歲郡國十二地震

三年春正月庚子皇帝加元服赦天下 遣騎都尉

任仁督諸郡屯兵救三輔仁戰數不利

數所角翻當煎勒

姐羌攻沒破羌縣

破羌縣屬金城縣

鍾羌攻沒臨洮縣執隴

西南部都尉

臨洮縣隴西南部都尉治所洮土刀翻

三月京師大饑

民相食壬辰公卿詣闕謝詔務思變復以助不逮

變

也改過以復於善也

壬寅司徒魯恭罷恭再在公位

和帝永元十二

年恭代呂蓋爲司徒永初選辟高第至列卿郡守者

元年復代梁鮪爲司徒

此謂恭府掾屬之

數十人高第也守手又翻

而門下者生也者老或不蒙

薦舉至有怨望者恭聞之曰學之不講是吾憂也

論語

孔子之言諸生不有鄉舉者乎

賢曰言人患學之不習耳若能究習自有鄉里之舉

豈要待三終無所言亦不借之議論學者受業必窮

核問難難乃旦翻道成然後謝遣之學者曰魯公謝與議

論不可虛得夏四月丙寅以大鴻臚九江夏勤爲

司徒三公以國用未足奏令吏民入錢穀得爲關

內侯虎賁羽林郎五官大夫官府吏緹騎營士各有

差五官亦郎也大夫光祿太中散諫議大夫也官

府吏給事諸官府者賢曰續漢志曰執金吾緹騎

二百人緹赤黃色營士謂五校營士也緹丁禮翻又丁奚翻

甲申清河愍王虎

威薨無子五月丙申封樂安王寵子延平爲清河王

奉孝王後 六月漁陽烏桓與右北平胡千餘寇代

郡上谷 漢人韓琮隨匈奴南單于入朝漢人與匈奴錯居韓

琮因事南單于琮祖宗翻既還說南單于云說輸芮翻關東水潦人民

飢餓死盡可擊也單于信其言遂反 秋七月海賊

張伯路等寇濱海九郡殺二千石令長長知兩翻遣侍御

史巴郡龐雄督州郡兵擊之伯路等乞降尋復屯聚

復扶又翻 九月鴈門烏桓率眾王無何允與鮮卑大人

丘倫等及南匈奴骨都合七千騎寇五原與太守戰

于高渠谷

賢曰東觀記戰九原高渠谷渠梁相類必有誤

漢兵大敗

南單

于圍中郎將耿种于美稷

使匈奴中郎將也种音沖

冬十一月以

大司農陳國何熙行車騎將軍事中郎將龐雄爲副

將五營及邊郡兵二萬餘人又詔遼東太守耿夔率

鮮卑及諸郡共擊之以梁懂行度遼將軍事雄夔擊

南匈奴莫鞬日逐王破之

莫于六翻鞬居言翻

十二月辛酉

郡國九地震

乙亥有星孛于天苑

晉書天文志天苑十六星在昴

畢南天子之苑圍養獸之所也孛蒲內翻

是歲京師及郡國四十一雨水

并涼二州大饑人相食

太后以陰陽不和軍旅數

與數所詔歲終饗遣衛士勿設戲作樂

西都之制歲盡衛卒交代

上臨饗罷遣之續漢志曰饗遣故衛士儀百官會位  
定謁者持節引故衛士入自端門衛司馬執幡鉦護  
行行定侍御史持節慰勞以詔恩問所疾苦受其章  
奏所欲言畢饗賜作樂觀以角抵樂闕罷遣勸以農

桑減逐疫偃子之半

賢曰偃子逐疫之人也音振辟  
綜注西京賦云偃之言善也善

童幼子也續漢書曰大儺選中黃門子弟年十歲以  
上十二以下百二十人爲偃子皆赤幘皂製執大號

四年春正月元會徹樂不陳充庭車

賢曰每大朝會  
必陳乘輿法物

車輦於庭以  
年饑故不陳

鄧騭在位頗能推進賢士薦何熙李

邵等列於朝廷

邵曷  
閻翹

又辟引農楊震巴郡陳禪等置

之幕府天下稱之震孤貧好學明歐陽尚書通達博

覽諸儒爲之語曰關西孔子楊伯起

楊震字伯起居  
弘農在函谷關

之教授二十餘年不答州郡禮命

禮謂延聘之禮  
命謂辟置之命眾

人謂之晚暮

謂歲月已老而出仕遲也

而震志愈篤騰聞而辟之

時震年已五十餘累遷荊州刺史東萊太守

郡國志東萊郡

在雒陽東三千一百二十八里

當之郡道經昌邑

昌邑縣屬山陽郡賢曰昌邑故城在

今兗州金鄉縣西北

故所舉荊州茂才王密爲昌邑令夜懷金

十斤以遺震

遺于季

震曰故人知君君不知故人何

也密曰暮夜無知者震曰天知地知我知子知何謂

無知者密愧而出後轉涿郡太守

郡國志涿郡在雒陽東北千八百里

性公廉子孫常蔬食步行

食不魚肉行不車騎也

故舊或欲令

爲開產業

爲于

震不肯曰使後世稱爲清白吏子孫

以此遺之不亦厚乎

張伯路復攻郡縣殺守令

復扶

又翻下同黨眾浸盛詔遣御史中丞王宗持節發幽冀諸

郡兵合數萬人徵宛陵令扶風馮雄爲青州刺史宛陵

縣屬河南尹法姓也齊襄王法章之後與宗并力討

秦滅齊子孫不敢稱田姓故以法爲氏

之南單于圍耿种數月梁懂耿夔擊斬其別將于

屬國故城班志西河美稷縣屬國都尉治故城蓋在美稷縣界將卽亮翻下同單于自

將迎戰懂等復破之單于遂引還虎澤班志西河郡穀羅縣虎澤

在西北師古避唐諱以虎爲武丙午詔減百官及州郡縣奉各有

差奉讀日俸二月南匈奴寇常山滇零遣兵寇襄中襄中

縣屬漢中郡古襄國也漢中太守鄭勤移屯襄中任

尚軍久出無功民廢農桑乃詔尚將吏民還屯長安

罷遣南陽潁川汝南吏士乙丑初置京兆虎牙都尉

于長安扶風都尉于雍如西京三輔都尉故事

賢曰漢官

儀京兆虎牙扶風都尉以涼州近羌數犯三輔將兵

衛護園陵扶風都尉居雍故俗人稱雍營西京三輔

京兆有京輔都尉馮翊有左

輔都尉扶風有右輔都尉

謁者龐參說鄧騭

說輸芮翻

徙邊郡不能自存者入居三輔騭然之欲棄涼州并

力北邊乃會公卿集議騭曰譬若衣敗壞一以相補

猶有所完

壞音怪

若不如此將兩無所保郎中陳國虞

詡言于太尉張禹曰若大將軍之策不可者三先帝

開拓土宇劬勞後定而今憚小費舉而棄之此不可

一也涼州既棄即以三輔爲塞

隴西安定北地皆涼州所部涼州既棄則



三輔爲極邊

則園陵單外此不可二也諺曰關西出將關

東出相

賢曰說文諺傳言也前書秦漢以來山西出將山東出相秦時郿白起頻陽王翦漢興義

渠公孫賀傅介子成紀李廣李蔡上邽趙充國狄道辛武賢皆名將也丞相則蕭曹魏邴韋平孔翟之類

也烈士武臣多出涼州土風壯猛便習兵事今羌胡

所以不敢入據三輔爲心腹之害者以涼州在後故

也涼州士民所以推鋒執銳蒙矢石於行陳

行戶剛翻陳讀

陣日父死于前子戰于後無反顧之心者爲臣屬于漢

故也

爲于僞翻

今推而捐之

推通同翻

割而棄之民庶安土重

遷必引領而怨曰中國棄我于夷狄雖赴義從善之

人不能無恨如卒然起謀

卒讀日猝

因天下之飢敝乘海

內之虛弱英雄相聚量材立帥

量音良帥所類翻

驅氏羌以

爲前鋒席卷而東雖賁育爲卒太公爲將

賁音奔將卽亮翻

猶恐不足當禦如此則函谷以西園陵舊京非復漢

有復扶又翻此不可三也

是後北宮伯玉王國閭忠馬騰韓遂之變卒如詡言賢曰席卷

言無餘也前書曰雲徹席卷後無餘災也子謂席卷者言其勢便易也

議者喻以補衣

猶有所完詡恐其疽食侵淫而無限極也

賢曰疽癰瘡也余謂

食者言其侵食肌肉也

禹曰吾意不及此微子之言幾敗國事

微無也幾居希翻

詡因說禹收羅涼土豪傑

說輸萬翻

引其牧守

子弟于朝

守式又翻朝直遙翻

令諸府各辟數人外以勸厲答

其功勤內以拘致防其邪計禹善其言更集四府皆

從詡議於是辟西州豪傑爲掾屬拜牧守長吏子弟

爲郎以安慰之

掾俞絹翻長知兩翻下同

鄧騭由是惡詡欲以吏

灑中傷之

惡烏路翻中竹仲翻

會朝歌賊甯季等數千人攻殺

長吏屯聚連年州郡不能禁乃以詡爲朝歌長

朝歌縣屬

河內郡賢曰朝歌故城在今衛州衛縣西

故舊皆弔之

謂其將得罪也

詡笑曰事

不避難臣之職也不遇槃根錯節無以別利器

斧斤

喻也別彼列翻

此乃吾立功之秋也始到謁河內太守馬稜

稜曰君儒者當謀謨廟堂乃在朝歌甚爲君憂之

爲于

僞詡曰此賊犬羊相聚以求溫飽耳願明府不以爲

憂稜曰何以言之詡曰朝歌者韓魏之郊

賢曰韓界上黨魏界

河內相接太行

背蒲妹翻行故云郊也

臨黃河去敖倉不過

百里而青冀之民流亡萬數賊不知開倉招眾劫庫

兵守成皋斷天下右臂

賢曰右臂喻要便也余謂右臂之說祖張儀見三卷周赧

王四年斷丁管翻

此不足憂也今其眾新盛難與爭鋒兵不

厭權願寬假轡策勿令有所拘闕而已

謂欲用度外之人以制羣

盜恐郡家循常襲故以文法繩之故先以此言於稜賢曰闕與礙同

及到官設三科以

募求壯士自掾史以下各舉所知

百官志縣有廷掾猶郡之五官掾也

監鄉部春夏爲勸農掾秋冬爲制度掾史則有獄史佐史斗食令史掾史幹小史

其攻劫者

爲上傷人偷盜者次之不事家業者爲下收得百餘

人謂爲饗會悉貰其罪

此三等入皆惡少年負宿罪者也悉貰之使入賊爲間爲

于偽翻貫始制翻使入賊中誘令劫掠乃伏兵以待之遂殺

賊數百人誘賊出劫掠而伏又潛遣貧人能縫者傭

作賊衣以采線縫其裾有出市里者吏輒禽之賊由

是駭散咸稱神明縣境皆平三月何熙軍到五原

曼柏暴疾不能進遣龐雄與梁懂耿种將步騎萬六

千人攻虎澤連營稍前單于見諸軍並進大恐怖普

布顧讓韓琮曰汝言漢人死盡今是何等人也賢曰顧反

也讓責也反乃遣使乞降許之單于脫帽徒跣對龐

雄等拜陳道死罪自陳謝罪於是赦之遇待如初乃

還所鈔漢民男女鈔楚交翻及羌所略轉賣入匈奴中者

合萬餘人會熙卒卽拜梁懂爲度遼將軍龐雄還爲

大鴻臚

先零羌復寇襄中

復扶又

鄭勤欲擊之主

簿段崇諫以爲虜乘勝鋒不可當宜堅守待之勤不

從出戰大敗死者三千餘人段崇及門下史王宗原

展

周原伯之後有原莊公又晉卿先軫邑於原子孫以爲氏又孔子弟子有原憲

以身扞刃

與勤俱死

郡門下有掾有史

徙金城郡居襄武

襄武縣屬隴西郡賢

曰今渭州縣

戊子杜陵園火

宣帝陵園也

癸巳郡國九地震

夏四月六州蝗

東觀記曰司隸豫兗徐青冀六州

丁丑赦天下

王宗瀆雄與張伯路連戰破走之會赦到

赦書賊到也

以軍未解甲不敢歸降

降戶

王宗召刺史太守共議

刺史青州刺史太守皆以爲當遂擊之濩雄曰不然

兵凶器戰危事

賢曰史記范蠡之辭

勇不可恃勝不可必賊若

乘船浮海深入遠島

島都老翻水中有山曰島

攻之未易也

易以鼓翻

及有赦令可且罷兵以慰誘其心勢必解散然後圖

之可不戰而定也宗善其言卽罷兵賊聞大喜乃還

所略人而東萊郡兵猶未解甲賊復驚恐遁走遼東

止海島上

果如法雄之言

秋七月乙酉三郡大水

騎都

尉任仁與羌戰累敗而兵士放縱檻車徵詣廷尉死

護羌校尉段禧卒復以前校尉侯霸代之移居張掖

永初二年侯霸以眾羌反叛免護羌校尉時居狄道按水經注羌水出隄中西南山下逕護羌城東故護

羌校尉治又東逕臨羌城西護羌校尉蓋治金城郡  
臨羌縣界也然宣帝置護羌校尉本治金城令居東  
都定河隴之後護羌校尉治安夷縣旣而自安夷徙  
臨羌侯霸先居隴西狄道以羌叛而臨羌不可居也  
今移居張掖以隴西  
殘破復度河而西  
九月甲申益州郡地震賢曰益州

郡故城在今  
昆州晉寧縣  
皇太后母新野君病續漢志曰婦人封君儀比公主

油鞬鞞車帶綬以采組爲緹帶各  
如其綬色黃金辟邪加其首爲帶  
太后幸其第連日

宿止三公上表固爭乃還宮冬十月甲戌新野君薨

使司空護喪事儀比東海恭王恭王事見四十四卷明帝永平元年登

臯等乞身行服太后欲不許以問曹大家大家上疏

曰妾聞謙讓之風德莫大焉今四舅深執忠孝引身

自退賢曰四舅謂臯等引聞也而以方垂未靜拒而不許如後有



毫毛加於今日誠恐推讓之名不可再得

賢曰謂有纖微之過

則推讓之美失也

太后乃許之及服除詔隲復還輔朝政

直朝

遙

更授前封

帝卽阼之初封隲惺引閭皆辭不受

隲等叩頭固讓乃止

於是並奉朝請位次三公下特進侯上

賢曰在特進及侯之上請

才性翻又如字

其有大議乃詣朝堂與公卿參謀

太后詔

陰后家屬皆歸故郡

陰后家南徙事見上卷和帝永元十四年歸故郡歸南陽也

還其資財五百餘萬

五年春正月庚辰朔日有食之

丙戌郡國十地震

己丑太尉張禹免甲申以光祿勳潁川李脩爲太

尉先零羌寇河東至河內

零音憐

百姓相驚多南奔

度河使北軍中候朱寵將五營士屯孟津

北軍中候掌監屯騎

越騎步兵長水射聲五營續漢志曰舊有中壘校尉領北軍營壘之事中興省中壘但置中候以監五營

洪氏隸釋曰按祝睦後碑書爲北軍軍中候則知此亦省文耳詔魏郡趙國常山中

山繕作塢候六百一十六所

郡國四皆屬冀州懼羌

界故作塢候以備之美旣轉盛而緣邊二千石令長多內郡人

並無守戰意皆爭上徙郡縣以避寇難

長知兩翻三上時掌翻

月詔隴西徙襄武

隴西郡本治狄道金城徙襄武此又云隴西徙襄武

紀傳皆然或者二郡皆寄治於襄武歟

安定徙美陽北地徙池陽上郡

治衙

賢曰安定郡今涇州也美陽故城在今武功縣北地郡今涇州池陽縣故城在今涇陽縣北

上郡今綏州也衙縣故城在今同州白水縣東北左傳秦晉戰于彭衙卽此也余按郡國志美陽縣屬扶

風池陽衙二縣屬馮翊衙音牙

百姓戀土不樂去舊

樂音洛

遂乃刈其

禾稼發撤室屋夷營壁破積聚

積子賜翻聚慈喻翻

時連旱蝗

饑荒而驅蹙劫掠流離分散隨道死亡或棄捐老弱

或爲人僕妾喪其大半

蹙與蹙同喪息浪翻

復以任尙爲侍御

史擊羌於上黨羊頭山破之

賢曰羊頭山在上黨郡穀遠縣復扶又翻下同

乃罷孟津屯

夫餘王寇樂浪

夫餘爲寇始此夫音扶樂浪音洛琅

高句驪王宮與濊貊寇玄菟

句如字又音駒驪力知濊音穢貊莫百翻菟

同都翻

夏閏四月丁酉赦涼州河西四郡

海賊張

伯路復寇東萊青州刺史瀆雄擊破之賊逃還遼東

遼東人李久等共斬之

張伯路永初三年作亂至是始平

於是州界

清靜 秋九月漢陽人杜琦及弟季貢同郡王信等

與羌通謀聚眾據上邽城冬十二月漢陽太守趙博

遣客杜習刺殺琦刺七亦翻封習討姦侯杜季貢王信等

將其眾據樛泉營 是歲九州蝗郡國八雨水

六年春正月甲寅詔曰凡供薦新味多非其節或鬱

養疆熟謂爲土室蓄火使土氣蒸鬱而養之疆使成熟也前書召信臣傳曰太官園種冬生蔥韭

菜茹覆以屋廡晝夜然蘊火待溫氣乃生疆其兩翻或穿掘萌芽味無所至而

夭折生長天於兆翻短折曰天長知兩翻豈所以順時育物乎傳曰

非其時不食賢曰論語曰不時不食言非其時物則不食之前書召信臣曰不時之物有傷

於人不宜 以奉供養 自今當奉祠陵廟及給御者皆須時乃上

時熟乃上進也上時掌翻

凡所省二十三種

種章勇翻

三月十州蝗

夏四月乙丑司空張敏罷

己卯以太常劉愷爲

司空

詔建武元功二十八將皆紹封

五月旱

丙寅詔令中二千石下至黃綬一切復秩

董巴輿服志中二千

石青綬四百石三百石二百石黃綬四年減百官奉今復之

六月壬辰豫章貢

谿原山崩

豫章郡在雒陽南二千七百里屬揚州

辛巳赦天下侍

御史唐喜討漢陽賊王信破斬之杜季貢亡從滇零

是歲滇零死子零昌立年尙少同種狼莫爲其計策

滇音顛零音憐少詩照翻種章勇翻

以季貢爲將軍別居丁奚城

按東觀記

丁奚城在北地郡靈州縣

七年春二月丙午郡國十八地震 夏四月乙未平

原懷王勝薨無子太后立樂安夷王寵子得爲平原

王 丙申晦日有食之 秋護羌校尉侯霸騎都尉

馬賢擊先零別部牢羌於安定零音憐獲首虜千人

蝗

元初元年春正月甲子改元 二月乙卯日南地坼

長百餘里東觀記曰坼長百八十二里廣五十六里長直亮翻 三月癸亥日

有食之考異曰帝紀二月己卯日南地坼三月癸酉日食本志及袁紀皆云三月己卯日南地

坼按長曆是年二月壬辰朔無己卯三月壬戌朔癸酉十二日不應日食二月當是乙卯三月當是癸亥

詔遣兵屯河內通谷衝要三十六所皆作塢壁設

鳴鼓以備羌寇

自太行北至恆山限隔并冀其間多有谷道以相通今於衝要之地作塢

壁以備羌寇

夏四月丁酉赦天下

京師及郡國五旱

蝗

五月先零羌寇雍城

右扶風雍縣城也雍於用翻

蜀郡夷

寇蠶陵殺縣令

蠶陵縣屬蜀郡賢曰蠶陵故城在今翼州翼水縣西有蠶陵山因以名焉

九月乙丑太尉李脩罷

羌豪號多與諸種鈔掠

武都漢中巴郡板楯蠻救之

按范書板楯蠻夷者秦昭襄王時射殺白虎有

功昭王復夷人頃田不租十妻不算傷人者論殺人者得以俸錢贖死高祖爲漢王發夷人以定三秦復

其渠帥七姓不輸租賦餘戶乃歲入資錢口四十世號爲板楯蠻夷閬中有渝水其人多居水左右天性

勁勇數陷陳喜歌舞高祖爲制巴渝舞蠻蓋挾板楯而戰因以爲名楯食尹翻倏徒濫翻資藏宗翻漢

中五官掾程信率郡兵與蠻共擊破之

五官志郡有五官掾署功

曹及諸曹事  
掾俞絹翻

號多走還斷隴道與零昌合

斷丁管翻  
零音憐

侯霸馬賢與戰於枹罕破之

枹罕縣屬隴西郡  
唐之河州枹音膚

辛

未以大司農山陽司馬苞爲太尉

冬十月戊子朔

日有食之

涼州刺史皮楊

姓譜皮樊仲皮之後又  
鄭有上卿子皮出於罕

氏擊羌於狄道大敗死者八百餘人

考異曰紀作  
皮陽今從西羌

傳余按隴西郡舊治狄道去年  
徙襄武則其地已棄而不有矣

是歲郡國十五地

震

二年春護羌校尉龐參以恩信招誘諸羌號多等帥

眾降

帥讀曰率  
降戶江翻

參遣詣闕賜號多侯印遣之參始還

治令居

自張掖徙  
還令居也

通河西道

零昌分兵寇益州遣



中郎將尹就討之 夏四月丙午立貴人滎陽閻氏

爲皇后

閻后之母鄧弘之妻 之同產也故得立

后性妬忌後宮李氏生

皇子保后鳩殺李氏

爲后廢保張本保 後立是爲順帝

五月京師旱

河南及郡國十九蝗

河南卽 京師也

六月丙戌太尉司馬

苞薨

秋七月辛巳以太僕泰山馬英爲太尉

八

月遼東鮮卑圍無慮

無慮縣屬遼東郡應劭曰慮音 閻師古曰卽所謂盤無閻按郡

國志無慮縣時 屬遼東屬國

九月又攻夫犁營殺縣令

賢曰夫犁 縣屬遼東

屬國故城在今營州東南余按兩漢志遼東郡及遼 東屬國皆無夫犁縣今言殺縣令則嘗爲縣矣未知

賢所據者 何書也

壬午晦日有食之

尹就擊羌黨呂叔都

等蜀人陳省羅橫應募刺殺叔都

刺七 亦翻

皆封侯賜錢

通鑑四十九  
漢紀四十一  
詔屯騎校尉班雄屯三輔雄超之子也以左馮翊司

馬鈞行征西將軍督關中諸郡兵八千餘人龐參將

羌胡兵七千餘人與鈞分道並擊零昌參兵至勇士

東賢曰勇士縣屬天水郡余按天水時已改爲漢陽郡爲杜季貢所敗引退補

邁鈞等獨進攻拔丁奚城杜季貢率眾僞逃鈞令右

扶風仲光等收羌禾稼考異曰袁紀作右扶風太守种暲今從范書光

違鈞節度散兵深入羌乃設伏要擊之要一遙翻鈞在城

中怒而不救冬十月乙未光等兵敗並沒死者三千

餘人鈞乃遁還龐參既失期稱病引還皆坐徵下獄

下還鈞自殺時度遼將軍梁懂亦坐事抵罪校書郎

中扶風馬融

融以郎中校蘭臺書故稱校書郎中

上書稱參懂智能宜

宥過責效詔赦參等

軍明年安定北地上郡皆破羌

寇不能自立詔懂發邊兵迎三郡吏民徙扶風界懂即遣南單于兄子優孤塗奴將兵迎之既還懂以塗奴接其家屬有勞輒授以羌侯印綬坐專擅徵下獄抵罪明年校書郎馬融上書訟懂與參按懂爲度遠將軍在承初四年徙三郡民在五年參下獄在今年不得云明年融訟之也疑傳誤

以馬賢代參領護羌校尉復以任尙爲中郎將代班雄屯三輔

考異曰帝紀冬十月遣任尙屯三輔按西羌傳司馬鈞抵罪後尙乃代雄屯三輔耳復扶又翻

懷令虞詡說尙曰

說輸芮翻

兵瀆弱不攻疆走不逐飛

然之執也今虜皆馬騎日行數百里來如風雨去如

絕弦以步追之執不相及所以雖屯兵二十餘萬曠

日而無功也爲使君計莫如罷諸郡兵各令出錢數

千二十人共市一馬以萬騎之眾逐數千之虜追尾

掩截賢曰尾猶尋也余謂尾者隨其後而擊之也掩襲也截邀也其道自窮名曰

自窮不能捷出而寇掠也便民利事大功立矣尙卽上言用其計

遣輕騎擊杜季貢於丁奚城破之太后聞虞詡有將

帥之略以爲武都太守考異曰詡傳曰羌寇武都

都太守又曰賊敗散南入益州本紀元初元年羌寇

武都漢中據此似詡以元初元年爲武都太守也然

按西羌傳龐參抵罪後任尙屯三輔時詡猶爲懷令

說尙用騎兵袁紀亦云懷合虞詡說尙如范書所言

又云上問何從發此計尙表之受於懷合虞詡由是

知名遷武都太守以此驗之當在龐參抵罪後也

羌眾數千遮詡於陳倉嶠谷此嶠谷當在陳倉縣界

卽今之大散關非弘農

澠池縣之  
嶠山也

詔卽停軍不進而宣言上書請兵須到當

發羌聞之乃分鈔傍縣

鈔楚交翻

詔因其兵散日夜進道

兼行百餘里令吏士各作兩竈日增倍之羌不敢逼

或問曰孫臏減竈而君增之

減竈事見二卷周顯王二十八年臏類忍翻

兵濟日行不過三十里以戒不虞

前書吉行五十里師行三十里而

今日且二百里何也詔曰虜眾多吾兵少徐行則易

爲所及

易以鼓翻

速進則彼所不測虜見吾竈日增必謂

郡兵來迎眾多行速必憚追我孫臏見弱

見賢遍翻

吾今

示彊執有不同故也旣到郡兵不滿三千而羌眾萬

餘攻圍赤亭數十日

賢曰赤亭故城在今州襄武縣東南有赤亭

漢隴西郡地漢武都唐階成州地  
亭非渭州之赤亭也又按郡國志武都下

亭即此 詡乃令軍中彊弩勿發而潛發小弩羌以爲矢

力弱不能至并兵急攻詡於是使二十彊弩共射一

人發無不中  
射而亦翻中竹仲翻羌大震退詡因出城奮擊多

所傷殺明日悉陳其兵眾令從東郭門出北郭門入

貿易衣服回轉數周羌不知其數更相恐動  
貿音茂更工衡

翻詡計賊當退乃潛遣五百餘人於淺水設伏

走路  
詡知賊退遇水必踏淺而度因於其處設伏以待之虜果大犇因掩擊大

破之斬獲甚眾賊由是敗散詡乃占相地執  
相息亮翻築

營壁百八千所招還流亡假賑貧民開通水運  
詡案行川

谷自沮至下辨數十里  
燒石翦木開漕船道

詡始到郡穀石千鹽石八千

見戶萬三千

見存之戶也  
見賢遍翻

視事三年米石八十鹽石

四百民增至四萬餘戶人足家給一郡遂安 十一

月庚申郡國十地震 十二月武陵澧中蠻反 今澧

州地澧  
音禮

州郡討平之

己酉司徒夏勤罷

夏戶  
雅翻

庚

戌以司空劉愷爲司徒光祿勳袁敞爲司空敞安之

子也 前虎賁中郎將鄧弘卒

弘自遭母喪去官  
奉朝請故日前

弘

性儉素治歐陽尚書

漢千乘歐陽生傳伏生尚書由  
是尚書有歐陽氏學治直之翻

授帝禁中有司奏贈弘驃騎將軍位特進封西下

西平縣屬  
汝南郡

太后追弘雅意不加贈立之

萬布萬匹兄隲等復辭不受

復按此下與前同

爲西平侯將葬有司復奏發五營輕車騎

霍光故事

賢曰霍光薨宣帝遣太中大夫侍御史節護喪事中二千石修莫府冢上賜玉衣

梓宮便房黃腸題湊輜輶車黃屋左纛輕車材官五校士以送葬也

太后皆不聽但白

蓋雙騎門生輓送

賢曰白蓋車也輓音晚騎音寄翻

後以帝師之重

分西平之都鄉封廣德弟甫德爲都鄉侯

資治通鑑卷第四十九











